



Broj: 02-05-1- 1821 /18
Datum, 14.08.2018.godine

ZAPISNIK

Sa 20. sjednice Općinskog vijeća Maglaj
održane dana 14.08.2018.godine u 09,00 sati u sali
JU Dom kulture «Edhem Mulabdić» Maglaj

Dopredsjedavajući OV, prije nego počnemo zvanično 20. sjednicu OV, u obavezi sam da informišem vijećnike da zbog zdravstvenih razloga današnju sjednicu ću voditi ja kao dopredsjedavajući, a ukoliko bude mogućnosti predsjedavajuća da preuzme nekad u drugom dijelu.

Dopredsjedavajući OV, na osnovu člana 59. Poslovnika o radu Općinskog vijeća i zaključaka Kolegija od 02.08.2018.godine, Programa rada Općinskog vijeća za 2018. godinu i ukazane potrebe otvaram 20. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Mustafa Buljubašić, Mustafa Bešić, Fikret Delić i Kanita Bašić.

Poziv na sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 20. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutan vijećnik Josip Jurišić.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 19. redovne sjednice Općinskog vijeća.

Da li ima primjedbi na zapisnik sa 19. redovne sjednice? Nema.

Jednoglasno je verifikovan zapisnik sa 19. sjednice Općinskog vijeća.

Otvaram raspravu po pitanju dnevnog reda koji ste dobili u sazivu.

Otvaram raspravu

Vijećnica Svjetlana Zamboni, jedna mala sugestija prijedlog izmjene dnevnog reda, obzirom da nisam bila prisutna na Kolegiju, a vezano za tačku 6. koja se nalazi u prijedlogu dnevnog reda. Radi se o nacrtu Odluke o izmjenama i dopunama Odluke o vodovodu i kanalizaciji. Obzirom da se radi o jednom velikom koraku, odnosno ustupku privrednicima na našoj općini i obzirom da se radi o izmjeni samo jednog člana postojeće Odluke, smatram da nema razloga da ovu tačku razmatramo u vidu nacrtu, nego da razmatramo kao prijedlog Odluke o izmjenama i dopunama Odluke o vodovodu i kanalizaciji, te da izmijenimo postojeći član koji će značiti mnogo za sve privrednike općine Maglaj, a vidjet ćemo kroz diskusiju šta će se pokazati i kako će se diskutovati o postojećoj odluci u cijelosti i šta će ta diskusija na kraju i pokazati.

Dakle, predlažem da se tačka 6. naslovi Prijedlog Odluke o izmjenama i dopunama Odluke o vodovodu i kanalizaciji tj. predloženog člana Odluke.

Vijećnica Šefka Hasanić, jedan od prethodnih zaključaka kada smo imali tačku dnevnog reda Informacija o stanju bezbjednosti za prvih 6 mjeseci, zaključak Vijeća je bio da ova tačka bude poslije tačke ad. 1. da bude kao 2. tačka dnevnog reda. To je bio jedan od zaključaka kad smo razmatrali ovu informaciju u prethodnom periodu. Pošto ne vidim da ima predstavnika Službe da li postoji dogovor između Predsjedavajuće OV da ova tačka opet bude na 16. redu.

Dopredsjedavajući OV, samo da pojasnim meni nije jasno govori se o Informaciji o stanju javnog reda i mira koja je na 16. mjestu. Šta je prijedlog?

Vijećnica Šefka Hasanić, jedan od zaključaka Općinskog vijeća u prethodnom periodu kad smo imali ovu tačku dnevnog reda je bio da ova tačka dnevnog reda ne bude zadnja, nego da bude među prvim tačkama dnevnog reda, međutim opet je na 16. mjestu, iz razloga predstavnici Službe ne bi sjedili čitav dan ovdje s nama i čekali red. To je bio jedan od zaključaka OV, ne znam zašto se nije ispoštovao.

Dopredsjedavajući OV, imam sugestiju od strane Predsjedavajuće da vidimo sa komandrom da li on može ili njegov predstavnik da tako brzo i dođe na ovu sjednicu. Uvijek je bila praksa da ove informacije ostavljamo za kraj.

Pauza Klub SDA.

Sjednici je prisutan i predstavnik PS zamjenik komandira Hrnjadović

Vijećnica Šefka Hasanić, tačka dnevnog reda broj 2. da bude Informacija o stanju bezbjednosti za prvih šest mjeseci i Klub vijećnika prihvata da 6. tačka umjesto nacrta bude prijedlog Odluke. U buduću da se vodi računa o članu 67. Poslovnika o radu. Sjednicom predsjedava predsjedavajući OV u slučaju njegove spriječenosti, znači fizičke odsutnosti mijenja ga zamjenik ili jedan od vijećnika.

Vijećnica Svjetlana Zamboni, znam da nema potrebe, ali ne mogu da vjerujem da kao ljudi ne možete uvažiti nečije zdravstveno stanje. Po Poslovniku OV ja sam spriječena da vodim sjednicu, ne mogu fizički, ne mogu voditi ovu sjednicu Općinskog vijeća i zahvalila bih vam se na uvažavanju mog zdravstvenog stanja.

Mislim da je u prethodnim sjednicama OV kada je gospodin Nalić bio predsjedavajući u bezbroj slučajeva dopredsjedavajući vodio sjednicu. Sjetite se i toga.

Dopredsjedavajući OV, član 26. Poslovnika o radu je potpuno jasan i nedvosmislen i da ne idemo dalje kad su u pitanju poslovničke. Ja ću ga pročitati. Zamjenik predsjedavajućeg ima pravo i obavezu da pomaže predsjedavajućem i po njegovom ovlaštenju obavlja poslove iz njegovog djelokruga. Zamjenik predsjedavajućeg OV zamjenjuje predsjedavajućeg u slučaju njegove odsutnosti ili spriječenosti. Dakle, ili spriječenosti. Prema tome, ovaj član je potpuno jasan i pokazuje i dokazuje i praksa je bila i u ranijim sazivima vijeća da dopredsjedavajući vrlo često pomaže predsjedavajućem.

Vijećnik Firuz Galijašević, jedna mala tehničke ispravka 1. tačke dnevnog reda koja glasi: Informacija o nastalim štetama na području općine Maglaj, a u materijalu smo dobili Informacija o sanaciji nastalih šteta na području općine Maglaj, da se ispravi naziv prve tačke dnevnog reda, onako kako je došlo u materijalu.

Dopredsjedavajući OV, zaključujem raspravu i dajem na glasanje prvi prijedlog da se dnevnom redu umjesto tačka 6. koja glasi Nacrt Odluke o izmjenama i dopunama Odluke o vodovodu i kanalizaciji, tretira kao prijedlog Odluke o izmjenama i dopunama Odluke o vodovodu i kanalizaciji. Radi se u formalnoj ispravci o dnevnom redu, jer ste vi u materijalima već i dobili ovaj akt kao prijedlog Odluke o izmjenama i dopunama.

Usvojeno jednoglasno sa 24 glasova za:

Svjetlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman(SDP), Muhamed Hrnjić,(SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bejzić, Safet Jašić, Edina Jašić, Edib Delić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Ferić.

Drugi prijedlog je bio ispred Kluba SDA da se kao druga tačka dnevnog reda razmatra tačka koja je sada na 16. redu Informacija o stanju bezbjednosti na području općine Maglaj za prvih šest mjeseci.

Glasalo 23 glasa za: Svjetlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman(SDP), Muhamed Hrnjić,(SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bejzić, Edib Delić, Safet Jašić, Edina Jašić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić.

Glasalo 1 uzdržan glas: Hajrudin Ferić (DF) .

Treći prijedlog gospodina Galijaševića, da se definiše prva tačka dnevnog reda KAO Informacija o sanaciji nastalih šteta na području općine Maglaj od 5/6.05.2018.godine.

Usvojeno jednoglasno sa 24glasova za:

Svjetlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman(SDP), Muhamed Hrnjić,(SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bejzić, Edib Delić, Safet Jašić, Edina Jašić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Ferić.

U skladu sa glasanjem pročitat ću dnevni red:

DNEVNI RED

1. Informacija o sanaciji nastalih šteta na području općine Maglaj uslijed prirodne nepogode od 5/6.05.2018. godine;
2. Informacija o stanju bezbjednosti za prvih šest mjeseci 2018. godine;
3. Odluka o zamjeni nekretnina i prodaji nekretnina – zemljišta u vlasništvu Općine Maglaj „Bingo“ d.o.o. Tuzla neposrednom pogodbom, radi oblikovanja građevinske parcele;
4. Prijedlog Odluke o djelimičnoj izmjeni Regulacionog plana Centar Maglaj – sjeverni dio (zahtjev „Alu Wood inženjering“ i „Saraj-Milk“ Maglaj);
5. Prijedlog Odluke o djelimičnoj izmjeni Regulacionog plana Centar Maglaj – sjeverni dio (zahtjev Begić Jasmin, Husukić Ibrišim i Hadžić Semir)
6. Odluka o davanju saglasnosti za promjenu oblika parcele koja se izuzima na ime naknade za dodijeljeno zemljište Čatić (Salih) Husejinu iz Bijele Ploče, općina Maglaj;
7. Prijedlog Odluke o izmjenama i dopunama Odluke o vodovodu i kanalizaciji;
8. Izvještaj o izvršenju Budžeta Općine Maglaj za period 01.01.-30.06.2018.godine;
9. Prijedlog Odluke o davanju saglasnosti KJD Maglaj doo Maglaj na
 - a) Pravilnik o načinu izdavanja i uslovima korištenja povlaštenih parkirališnih karata na javnim parkiralištima na području grada Maglaj;
 - b) Prijedlog cijena usluga javnih parkirališta na području grada Maglaja;
10. Prijedlog Odluke o davanju saglasnosti Općinskom načelniku za raspolaganje građevinskim materijalom od napuštenih, oštećenih i devastiranih kućica iz izbjegličkog naselja na Omerdinom polju;
11. Prijedlog Odluke o dodjeli javnih priznanja za 2018. godinu;
12. Prijedlog Odluke o razrješenju članova Upravnog odbora JU „Dječiji vrtić“ Maglaj;
13. Prijedlog Odluke o davanju ovlaštenja punomoćniku za zastupanje Općine Maglaj na Skupštini JP „KJD“ d.o.o. Maglaj;
14. Informacija o stanju obrta malog i srednjeg poduzetništva na općini Maglaj;
15. Razmatranje
 - a) Informacije o radu boračkih organizacija za 2017. godinu i Plana rada za 2018. godinu;
 - b) Izvještaj o utrošku finansijskih sredstava dobivenih iz Budžeta Općine Maglaj za prvih 6 mjeseci 2018. godine;
16. Informacija o preduzetim pravnim koracima od strane Općinske pravobraniteljice i administracije vezano za predmet „Transey“;

Usvojeno jednoglasno sa 24glasova za:

Svjatlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman(SDP), Muhamed Hrnjić,(SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bežić, Safet Jašić, Edina Jašić, Edib Delić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Fermić.

AD – 1 - Informacija o sanaciji nastalih šteta na području općine Maglaj uslijed prirodne nepogode od 5/6.05.2018. godine.

Fuad Hajrulahović, u Informaciji koju ste vi dobili u pisanim materijalima nabrojane su aktivnosti koje su planirane bile, odnosno koje su urađene. U međuvremenu je Kantonalna uprava CZ uvela izvođača na izgradnju jednog mosta na rijeci Jablanici i na izgradnju dva potporna zida. Most na rijeci Jablanici kao što ste vidjeli iz sredstava informisanja je u završnoj fazi i da su i potporni zidovi uz rijeku Bistricu takođe u završnoj fazi. Isto tako iz sredstava Općine Maglaj radi se i most za n/m Begiće MZ Jablanica koji bi trebao sutra da ima izbetoniranu ploču i ostaju nam završi radovi oko toga mosta. Također od ovih 14 planiranih projekata u postupku provođenja javne nabavke, kompletna procedura javne nabavke je u skladu sa Zakonom o javnim nabavkama završena i da su ugovori potpisani i da se vode određene aktivnosti i na ovim objektima koji su planirani da se urade.

Otvaram raspravu

Vijećnica Smajlović Dženita, što se tiče ove informacije evidentno je da su viši nivoi vlasti imali ključnu ulogu kada je u pitanju sanacija ovih šteta nastalih u majskim poplavama, ali nigdje nije decidno navedeno koliko je sama Općina izdvojila sredstava za sanaciju tih šteta.

Primjetili smo da je na prošloj sjednici ovu informaciju obrađivala Služba CZ, a ovaj put Služba za urbanizam, pa nas zanima ko je kompetentan za obrađivanje ove informacije, ko će to ubuduće raditi.

Obzirom da nisam dobila odgovor na vijećničko pitanje, a mislim da mi se moglo na to odgovoriti u sklopu ove informacije gdje su utrošena sredstva od naših naknada kojih smo se odrekli na ime sanacije šteta. Iako sam to vijećničko pitanje postavila na 18. sjednici, sada je 20. Mislim da je bilo dovoljno vremena da se odgovori i moglo je to da uđe u ovu informaciju.

Općinski načelnik, ne razumijem poentu razdvajanja vlasti, ovo je jedna država, postoje procedure, trebali ste pročitati i interesovat se kako to funkcionise. Dakle, Općina Maglaj sredstvima zaštite spašavanja za koje ste imali informaciju i prošlu sjednicu i prethodnu sjednicu Vijeća, ako vam treba svaku ponavljat, nije problem.

Drugo učestvuju Kantonalna uprava CZ, kad oni završe svoj dio stupa Federalna uprava CZ, tako zakon nalaže. Sutra je u Maglaju u posjeti direktor Federalne uprave CZ gospodin Solak.

Ministarstva koja su bila na raspolaganju da daju novac su dali, tako i Ministarstvo prometa sa gospodinom Martićem na čelu 200.000,00 KM. Negdje oko 700.000,00 KM do sad je obezbijeđeno.

Što se tiče sredstava koje je vijeće reklo da ide u sanaciju šteta i to se možete informisati. Imate tamo raspisan tender i piše koja su sve sredstva planirana. Znači, sredstva koja su planirana iz Budžeta Općine Maglaj, sredstva od koncesionih naknada itd. I sve ono što je išlo, sredstva koja smo dobili od Ministarstva i kako je rekao gospodin Hajrulahović imate 15 lotova raspisanih 15 ugovora potpisanih i u svakom ugovoru piše iz kojih sredstava se finansira. Političarenje su viši nivoi, imaju niži nivoi, pa će raditi niži nivoi. To je struktura vlasti u BiH, tako funkcionise, tako je bilo 2014. godine, tako je bilo 2010. godine, nadam se da poslije 2018. godine neće biti tako ekscesnih situacija. Prema tome, sve ovo što ste rekli da nemate informaciju, imali ste informaciju.

Kad smo radili snimanje šteta zadužena je Služba CZ i oni su napravili izvještaj, usvojili ste izvještaj i imate sve lokacije. Kad radi sanaciju, sanaciju radi resorna Služba za urbanizam. Dakle, u jednom trenutku su sa izvještaja prešli na otklanjanje nedostataka na sanaciju, prešli sa Službe CZ na Službu za urbanizma. To su sve normalni koraci i nije nikakav problem. Ako vam treba još nekih pojašnjenja tu sam.

Vijećnica Dženita Smajlović, gospodine Načelnice, ja cijenim vaš usmeni odgovor, ali ja ako sam postavila vijećničko pitanje, ja zahtijevam pismeno, onako kako sam ga i dostavila.

Vijećnik Safet Jašić, ja sam izašao, dvije sjednice su prošle i mislim da nije bilo teško odgovoriti na vijećničko pitanje iako nije već odgovoreno kao i na sva ostala vijećnička pitanja na koje mi tražimo odgovore. Na jednoj od slijedećih sjednica ćemo skupiti sve na kamuru pa pokazati koliko su ažurne službe kada su u pitanju vijećnici SDA na odgovore. U pravu je, a ne može niko reći da u materijalu ne stoji ono što je gospođica pročitala, rečeno je sve i navedene cifre od svih nivoa, a od Općine nije navedeno ništa i jasna je stvar zašto je gospođica Dženita izašla i objasnila ovu stvar.

Ovo što se tiče kad predložite da se odrekemo paušala onda budite toliko korektni i kažite sredstva od paušala su otišla u tu i tu svrhu.

Vijećnik Hajrudin Ferić, želim samo da se zahvalim i ljudima iz općinske administracije. Inače ne volim da falim te ljude iz općinske administracije, ali blagovremenim radom kroz Komisije za procjenu šteta uspjeli smo mi kao Općinsko vijeće i da na jedvite jade i usvojimo izvještaj o onim štetama. Mi vrlo dobro se sjećamo da je Klub SDA bio protiv tog izvještaja govoreći da je ovakav i onakav, a zapravo smo željeli i uradili što prije taj posao kako bi se ispoštovale zakonske obaveze kandidovanja, odnosno zahtjeva za finansijskom pomoći višim organima vlasti, prvo kanton, pa federacija i onda dalje ide onako kako je propisano i kako se praktikuje i kako ljudi rade u skladu sa zakonom i naravno po prioritetima kako su onda dje i otišli. Hvala i blagovremeno što se to uradilo, naravno hvala i onim što rade svoj posao i poštuju zakon.

Dopredsjedavajući, zaključujem raspravu i predlažem

- Informacija o sanaciji nastalih šteta na području općine Maglaj uslijed prirodne nepogode od 5/6.05.2018.godine, prima se k znanju;

AD - 2. Informacija o stanju bezbjednosti za prvih šest mjeseci 2018. godine.

Otvaram raspravu

Vijećnik Safet Jašić, Klub vijećnika SDA prihvata informaciju o stanju bezbjednosti na općini Maglaj i želim ovom prilikom pohvaliti Stanicu javne bezbjednosti Maglaj, jer zaista se ljudi angažuju obzirom da nam je poznato da čak imaju i manji broj ljudi na obezbjeđenju itd. Mi ovom prilikom pohvaljujemo rad PS Maglaj.

Vijećnik Mirza Bradarić, što se tiče same informacije, Klub SDP-a će prihvatiti ovu informaciju k znanju. Naravno da se vidi napredak što se tiče PS, ljudi zaista tamo rade, ali bez obzira na taj njihov rad i trud, samo mala konstatacija, kad pogledamo sve ove tabele, pa kad vidite dole ukupan broj svih ovih prekršaja je ipak u 2018. godini veći od svih tih prekršaja koji su bili prošle godine u 2017.godini. Samo malo ako može informacija da li znate koji je razlog ukupnog povećanja svih ovih prekršaja.

Ja ću opet morat postaviti pitanje, tiče se stavke javni red i mir. Unutar tabele ponovo imamo stavku prosjačenje koja je i u 2017.godini iznosila 5 i u 2018.godini 5. Međutim, mi smo svi svjedoci pred bilo koji objekat da odete i na samoj ulici kad šetate i hodate vidite jako puno osoba koje se bave prosjačenjem, a naročito su to u pitanju mala

dječica. Ako možete samo informacije vezano za ovo, jer ipak mislimo svi da bi ovaj ukupan broj kad je prosjačenje u pitanju trebao biti puno veći od same cifre 5.

Vijećnik Hajrudin Fermić, imam obavezu da samo pokažem da smo evidentirali mi u DF izuzetno visok procenat povećanja djela koja su usmjerena prema službenim licima prema policajcima preko 120% ako smo dobro izračunali taj procenat u odnosu na prošlu godinu. Naročito drsko ponašanje prema službenim licima, prema MUP-u. I ja bih volio da znam koje su to karakteristike takvih napada na policajce, zbog čega se to dešava jesul to u pitanju mjere sankcije ili je to neka situacija u društvu ili jednostavno nešto treće u pitanju, ali nije dobro. Ako se bilježe takvi napadi na ovlaštena službena lica, onda šta obični građani mogu očekivati u cijeloj ovoj priči.

Ja bih apelovao bez obzira što se radi o Informaciji o bezbjednosti i stanju javnog reda i mira, da ozbiljno ovdje na području lokalne zajednice sjednu i predstavnici Općinskog vijeća, PS, izvršne vlasti, svi predstavnici javnih ustanova i preduzeća da još jedanput vide sve mogućnosti preventivnog rad u oblasti bezbjednosti saobraćaja. Imamo pokazatelje da su dva lica poginula u prvih 6 mjeseci na cestama na području općine Maglaj, a ono što je zabrinjavajuće jeste da maglajski vozači bez obzira na kojim dijelovima puteva u BiH, ginu. Bio je jedan medijski naslov da je u BiH za 15 dana 7 osoba poginulo to je bilo u julu mjesecu, a od toga je 3 bilo iz Maglaja. Ovo predlažem i govorim da se i preventivnim mjerama i jednim razgovorom sa predstavnicima auto-škola i predstavnicima policije koji su zaduženi za kontrolu, za bezbjednost saobraćaja ali i prevencijom kroz škole, obrazovne ustanove itd. pokušamo da ovaj procenat kad je u pitanju saobraćaj i sve ono što je na njemu prisutno smanjimo.

Vijećnik Firuz Galijašević, želim se samo nadovezat vezano za prosjačenja. Veoma je bitno da se smanji podsticanje prosjačenja. Mora se malo više obratiti pažnje na osobe koje bukvalno daju pare onoj djeci koja dođu ne znam odakle. Morate malo više obratiti pažnje i možda kažnjavati sve one koji podstiču prosjačenja.

Vijećnik Mustafa Bešić, naš Klub će podržati tu informaciju. Otrprilike se sve svodi na isto ovo nedavno dešavanje uništavanje mladih života. Sugerisao bih Policijskoj stanici da pojačaju kontrolu tamo na tim punktovima, gdje se svakodnevno odvija saobraćaj, a da smanje tamo na nekim mjestima, pogotovo poslije posla. Evo u 15,00 sati ja kad idem kući vi postavite gore punkt, treba to sve gdje ljudi idu kućama, ne zaustavljaju oni, ali da se pojača u noćnim satima gdje se stvarno ugrožavaju životi, da se malo izmijeni taj termin. Ja jutros krenuo na posao u Novom Šeheru saobraćajna nezgoda i to kakva. Čovjek izvrnuo vozilo na krivini na pola ceste da se tu pokušaju neke stvari, gdje se stalno dešavaju saobraćajne nezgode. Tu se dešava više nesreća u toku godine. Svakodnevno vidamo prosjačenja, pogotovo tamo kod Konzuma, da se suzbije to malo. Vidimo i raznorazne organizacije dolaze tamo ja ne znam da li su oni validni, dođu ljudi u hladovinu valjda osjete kad naši ljudi dijasporci dolaze i onda stanu i uzimaju pare. Da li je to u redu ili nije da se to kontroliše.

Pomoćnik komandira gospodin Hrnjadović Edhem, zahvaljujem se na prihvatanju informacije Policijske stanici Maglaj. U vezi sugestija odgovorit ću slijedeće:

U vezi prosjačenja, policijski službenici pored represivnih mjera poduzimaju i preventivne mjere. Vrlo često naši policijski službenici sačekaju voz i vrate ove iz Zavidovića lica romske nacionalnosti tako da se ne zadržavaju kod nas.

Problem je što isti kad uoče nas u uniformama se sakrivaju, bježe, tako da ih vrlo rijetko vidamo. Ono što ja mogu zatražiti od vas i od ostalih građana su ona lica koja prikupljaju novčana sredstva, a u većini slučajeva se to zloupotrebljava i radi se nezakonito. Znači bilo ko da želi prikupljati novčana sredstva na području općine Maglaj mora imati saglasnost Općinskog načelnika. Znači ko god dođe na vrata i traži, bilo bi lijepo, jučer smo imali iz Donjeg Ulišnjaka da nam to prijave da nam se prijavi, da mi izađemo i provjerimo da li to lice može prikupljati novčana sredstva na području općine Maglaj i da li ima saglasnost Općinskog načelnika Maglaja.

U vezi visokog procenta omalovažavanja i nepostupanja, to su većinom prekršaji nepostupanja po naredbi ovlaštenog službenog lica. Ako policijski službenik nekom naredi da vozilo ukloni koje je pogrešno parkirano taj isti pored prekršaja parkiranja, dobije i prekršaj nepostupanja po naredbi ovlaštenog službenog lica, tako da ovaj broj 13 je u većini prekršaj o nepostupanju po naredbi od strane ovlaštenog službenog lica.

U vezi saobraćajnih nezgoda koje se dešavaju većinom na magistralnom putu, policijska stanica ne pravi raspored, ono što vidite da naši policijski službenici rade, ne pravimo mi raspored, taj raspored dobijemo mi iz MUP ZDK i policijski službenici rade samo preventivno i po uočenom prekršaju. Ukoliko neko izvrši radnju preticanja ili neki teži prekršaj tad se zaustavlja. Što se tiče prekršaja zaustavljanja stranih registarskih tablica, što uočavate ovih dana tj. u ovim ljetnim mjesecima, to radimo isto po naredbi iz MUP-a, jer prekršaji koje počinu lica sa stranim reg.tablicama ne možemo na drugi način sankcionisat, utvrđivanja kod naše baze da li je počinio prekršaj i na taj način izvršimo prekršajne naloge, tako da kad radimo te punktove po 2-3 sata ovih dana strogo zaustavljamo samo vozila sa stranim tablicama. Bude uvijek neko od nas, da li komandir ili zamjenik ili neko od nas pomoćnika komandira i to ide pod kontrolom i sigurno nema uzimanja novca, samo se sankcionišu vozači sa stranim reg.tablicama.

Općinski načelnik, zbog javnosti želim da kažem jer ima jako puno onih koji hodaju od kuće do kuće od strana do stana i nosaju kojekakve nalaze, kopirane isječke iz novina itd. a činjenica je da moraju imati odobrenje od Općinskog načelnika. Da ne bi javnost došla u zabunu da ovi koji hodaju da im je Načelnik odobrio, nikom nije odobreno. U ovoj godini je samo odobrena lokacija za prikupljanje pomoći za rahmetli Arslana i to je bila

odobrena i lokacija i osobe koje prikupljaju. Ovi ostali što hodaju nemaju nikakvu saglasnost od Općinskog načelnika.

Dopredsjedavajući, zaključujem raspravu i predlažem da

- Informacija o stanju bezbjednosti za prvih šest mjeseci 2018. godine, prima se k znanju.

AD – 3 Odluka o zamjeni nekretnina i prodaji nekretnina – zemljišta u vlasništvu Općine Maglaj „Bingo“ d.o.o. Tuzla neposrednom pogodbom, radi oblikovanja građevinske parcele.

Fuad Hajrulahović, u materijalu ste dobili detaljan i opširan prijedlog Odluke o zamjeni nekretnine i prodaji nekretnine zemljišta u vlasništvu Općine Maglaj Bingu d.o.o. Tuzla neposrednom pogodbom radi oblikovanja građevinske parcele. Dobro se sjećate da smo na nekoliko prošlih sjednica imali aktivnosti po pitanju izgradnje trgovačkog centra „Bingo“ u Misurićima. Znače isto tako da je „Bingo“ sve površine koje su mu potrebne otkupio od privatnih vlasnika. Otkupio je i nešto više zemljišta iz razloga izgradnje interne saobraćajnice, odnosno izmještanja postojeće interne saobraćajnice u Misurićima i postojećeg kanala za odvodnju vode sa M-17 sa okolnih parcela. U provedenom postupku otkupljene su sve privatne parcele. Ostalo je da se izvrši zamjena i prodaja općinskog zemljišta prema „Bingu“. Usaglašavajući sve k.č.br. i površine došlo se do toga da se može zamijeniti određena površina općinskog zemljišta za površinu zemljišta koju je kupio „Bingo“, s tim kad smo sve to usaglasili i presabrali ostala je i određena površina zemljišta koje „Bingo“ treba da otkupi od Općine Maglaj. Današnji zadatak OV je da donese Odluku o visini cijene 1 m² zemljišta koju Općina Maglaj treba da proda „Bingu“ neposrednom pogodbom radi oblikovanja „Bingu“ d.o.o. Tuzla. Znači u samom postupku kao što ste vidjeli ovdje u prijedlogu Odluke, radi se o zemljištu koje je u vlasništvu Općine Maglaj, a mijenja se, znači površina od 1310 m² koju čine nekih desetak parcela se mijenja za 1299 m² koje je u vlasništvu „Bingo“ Tuzla, znači razlika je nekih kad se to proračuna u novcu, znači procijenjena vrijednost u novcu po 40,00 KM vrijednost zemljišta Općine Maglaj je 52.400,00 KM, a vrijednost zemljišta u vlasništvu „Binga“ je 51.960,00 KM. Razlika je u zamjeni tog zemljišta 11 m² u korist Općine Maglaj, tako da bi „Bingo“ u toj zamjeni trebao Općini Maglaj da plati za 11 m², po cijeni koja je zadnja postignuta a to je 40,00 KM, koju ste i vi prihvatili to je 440,00 KM. U daljem rješavanju, usklađivanju tih površina, ostala je i razlika od 631 m² koje bi „Bingo“ d.o.o. Tuzla trebao da otkupi od Općine i vi bi danas trebali da donesete odluku po kojoj cijeni. Ja mogu čitati i ove detalje, ali da vas ne zamaram. Kompletna procedura provedena je u skladu sa zakonom, saslušane su izjave vještaka, izjave predstavnika zvaničnog „Binga“, zastupnika općine Maglaj Pravobraniteljice, tako da nema nikakvih primjedbi.

Ja vam mogu i na ovim crtežima sve pokazati da vi pratite, ova kompletna parcela što je crvenom obilježena to je prostor koji je potreban za lokaciju budućeg „Bingo“ centra u sklopu tog prostora nalazi se kanal za odvodnju vode sa M-17 koji se mora izmjestiti on je u vlasništvu Općine Maglaj. Također nalazi se put koji je u vlasništvu Općine Maglaj i nalazi se dio zemljišta i to je vlasništvo Općine Maglaj, a to su nekadašnji bunari. Na ovoj skici tačno se vidi koje su to površine i koje se mijenjaju. Ovo što je u plavoj boji, to su površine u vlasništvu Općine, a ovo su površine u zelenoj boji u vlasništvu „Binga“. Da bi vam bilo to jasnije radi se o ovičenom prostoru crvenom bojom, to je prostor koji je potreban za izgradnju tog tržnog centra. Kroz ovaj prostor prolazi dio općinske zemlje koji je u saobraćajnici, dio koji je u odvodnom kanalu i dio koji je u sklopu bunara. Uglavnom radi se o objektu koji će biti cca 20.000 m², sa pratećim sadržajima. U sklopu ovog prostora kojeg je „Bingo“ otkupio za svoje potrebe također „Bingo“ je otkupio zemljište gdje treba da se uradi nova saobraćajnica, odnosno da se izmjesti postojeća saobraćajnica. Ispod M-17 se nalazi prolaz, tako da će sada saobraćajnica ispod M-17 i podhodnikom na željezničkoj stanici biti povezane te dvije komunikacije Misurića i grada Maglaj i srednjeg prostora novom saobraćajnicom pješačkom i saobraćajnicom za putnička vozila koja mogu proći ispod postojećeg podputnjaka ispod M-17.

U Misurićima imamo sada na terenu asfaltiranu jednu malu cestu širine 2,5 do 3 m koja povezuje Misuriće sa željezničkom prugom. S obzirom da na toj lokaciji sad dolazi objekat, ta će se cesta pomjeriti i ona će ići granicom između „Binga“ i općinske zemlje. Imat će istu funkciju, samo će sada biti u pravcu i riješit će se problem odvodnje vode sa M-17 koji je do sada bio problem ovog potputnjaka, kad god kiša padne nije se moglo proći.

Otvaram raspravu

Vijećnica Šefka Hasanić, stav Kluba SDA je da prihvata prijedlog Odluke o zamjeni nekretnina i prodaji nekretnina zemljišta u vlasništvu Općine Maglaj „Bingo“ d.o.o. Tuzla i predlaže da cijena bude 40,00 KM isto onako kako su predstavnici „Binga“ dogovorili sa vlasnicima parcela u prethodnom periodu. Iskreno se nadamo da će ovo biti jedan pozitivan primjer da „Bingo“ neće osjetiti neke negativne konotacije na području općine Maglaj po pitanju odnosa prema nekim privrednim subjektima, koji smo imali u prethodnom periodu.

Općinski načelnik, replika – ide predizborna kampanja pa se pokuša zloupotrebjavat govornica. Klub SDA budite konkretni i direktni, recite konkretno o kojim je to negativnim konotacija. Negativne konotacije su bile kad niste dozvolili da se ta firma otvori. Firma otvorena, tražite informaciju, nemojte lagat javnost. Tražite informaciju o svim poduzetim koracima od strane Općine prema firmi ADV, to trebate ovdje reći jasno, nemojte kriti. Radi se

o firmi ADV koja je najbrže u BiH dobila rješenje za rad, rješenje za gradnju izgradila objekat, otvorila firmu i javno možete pogledat snimak, javno pohvalila općinsku administraciju. Možete dobiti informaciju koliko poticaja su dobili na konto Općine Maglaj. I možete dobiti informaciju da firma ADV pak, nije dobila građevinsku dozvolu za nastavak izgradnje, zato što u Kantonu u Ministarstvu poljoprivrede ne rade svoj posao. Pretvorba poljoprivrednog u građevinsko zemljište. Jedini je to razlog, a razlog koji se navodi po fejbuku, da je Načelnik nešto zaustavio nije tačno. Da li je inspektor izašao, naravno to je njegov zadatak da izađe tamo gdje se gradi nelegalno i ja vas pitam koji ovdje privrednik u Maglaju radi bez građevinske dozvole. Mijenjate regulacione planove, ljudi prave zgrade. Kad hoćete da se igrate fejbuka, igrajte se koliko hoćete, a kad hoćete pravu informaciju onda zatražite i dobijete informaciju, ali nemojte lagati javnost.

Firma ADV Pak je htjela ovdje doći pa nije mogla. Zašto nije mogla i u Kosovi napraviti to se vi pitajte, neću ja pitat. Zašto je otišla iz Tešnja, to je njihov problem, da li će otići iz Maglaja i to je njihov problem, nije naš. Ja se apsolutno tu ne osjećam krivim ni 1%, niti me zanima šta se piše po fejbuku.

Što se tiče „Binga“, znate koliko su godina to želje Maglajlija i evo ga, doće vrlo pozitivan projekat, bit će najbolji na ovoj regiji, tako je obećao vlasnik i direktor i bit će ekspresno urađen i ista kompanija koliko god je jaka ne radi bez papira i to ste čitali na fejbuku, pa možda trebate ovdje izaći i pitat koliko sam dobio mita od „Binga“ i to je pisalo po fejbuku, ako se već time bavite, ali se bavite činjenicama, istinom, nemojte se baviti lažima.

Vijećnica Šefka Hasanić, mi smo postigli ono što smo htjeli, znači da se Općinski načelnik zvanično obrati i što je bila naša namjera da ove stvari demantuje službenim saopćenjem na web stranici Općine Maglaj. Pošto radim na području druge općine svi redom me zaustavljaju i pitaju šta se to radi u Maglaju, zašto tjerate privrednike. Bilo bi fino Načelniče na službenoj stranici Općine Maglaj objavite demant, ostavite sliku drugim privrednicima da to nije tako. To je bio jedini cilj.

Općinski načelnik, da ponovo pojasnim i da kažem neću se baviti fejbukom. Predstavnici firme su boravili u Službi kod gospodina Hajrulahovića, dobili su sve informacije. Boravili su kod gospodina Kapića i gospođe Alibajraktarević, dobili su sve informacije. Ja se ne mislim baviti fejbukom, apsolutno me ne interesuje. Nemam potrebe da objašnjavam nekom. Ono što sam ja imao potrebu, to sam napisao Njemačkoj ambasadi i to sam napisao AHK Udruženju i dobili smo odgovor, ako vas interesuje pročitat ćemo vam i odgovor šta smo dobili od Njemačke ambasade. Da pojedinačni verbalni nastupi ne utiču na mišljenje Njemačke ambasade, o odnosu prema Općini Maglaj. Ako pratite stranicu Općine Maglaj, onda ste trebali upratiti da je neki dan bio i jedan od glavnih ljudi USAID u BiH koji je pohvalio projekat Općine Maglaj koji je završio sa ADV Pak-om i koji su iznijeli namjere da idemo dalje u takve projekte i da jedino Općina Maglaj je iz ovog dijela BiH jer su do sad sve projekte radili u Krajini. To je dostignuće ovog Načelnika i ove administracije.

Vijećnik Muhamed Hrnjić, Komisija za privredu nije sazivala sastanak, pošto se ovdje radilo o zamjeni zemljišta i cijena zemljišta je ugovorena 40,00 KM/m² kako je i kupio do sada. Tako da nije bilo potrebe za sazivanjem Komisije.

Nije istina da sadašnja vlast ne dozvoljavala privrednicima da rade i da se šire, to nije istina, ja sam lično doživio kod sebe u prethodnoj vlasti u kojoj su naredili inspekciji da mi se zatvori prilaz putu na kojem sam ja radio i gdje je sve bilo regularno. Razlog zašto su mi zabranili i zašto je predsjednik SDA dao nalog da se zatvori zato što ja i gospodin Bešić u narednom periodu sjednice koja je trebala da se održi nismo htjeli da podržimo rebalans na koji je uticalo da se mi izjasnimo. Dobro je da ide ovakvim tokom kako ide i da privrednici dolaze u Maglaj i da rade. Neka zakon bude za sve jednak pa i oni koji grade bez papira neka se poduzima sve što hoće, mi smo tolike godine privrednici ovdje koji radimo i nećemo da radimo bez potrebne saglasnosti.

Vijećnik Safet Jašić, ono kako bi trebalo da bude kad su u pitanju diskusije vijećnika jeste da mi očekujemo odgovor od Načelnika, a ne svaki puta replike. Vijećnik možda može malo i da pogriješi, ali ja mislim da u ovom slučaju nema nikakve greške i nije mi jasno, opet je kriv neko drugi. Krivo Ministarstvo za privredu, vodoprivredu i šumarstvo, dvije godine smo ovdje u ovom sastavu i ta fabrika koja je tema, radi dvije godine, a da nisu radili pretvorbu zemljišta iz poljoprivrednog u građevinsko, to mi ne ide nikako. Zar nije bilo dovoljno vremena da se reaguje na to i da se dobiju sve saglasnosti. Ljudi rade skoro dvije godine, ako rade bez dozvola to nije niko kriv gore, zna se ko je kriv. Mislim da bi trebalo se i ubuduće malo više bazirati na odgovore vijećnika, a ne ponovo iznositi kako neko laže, mislim da se svi zajedno moramo poštivati malo više.

Općinski načelnik, nećemo otići daleko iz razloga što se ljudi stalno bave neistinama, neće da traže podatke, dakle firma kad je došla odmah im je sugerisano ukoliko ćete raditi pretvorite svu zemljištu iz poljoprivrednog u građevinsko, bit će vam jeftinije i brže. Nisu htjeli, pretvorili su samo onaj dio gdje se nalazi objekat. U ponovnom postupku smo sugerisali da pretvore onaj preostali dio sav, nisu ni to htjeli, nego su razmišljali da li će nastaviti halu u nastavku postojeće ili će raditi paralelno sa onom i nisu podnijeli zahtjev za pretvorbu kompletnog poljoprivrednog u građevinsko zemljište, nego ponovo dio. Ja vas molim gospodine Hajrulahoviću možete li se sjetiti prije koliko vremena je podnesen zahtjev za pretvorbu poljoprivrednog u građevinsko na tom konkretnom slučaju i ako vam nije problem da ovdje kažete koliko puta ste zvali Ministarstvo da se to završi, koliko puta ste zvali kantonalnog inspektora da odradi svoj dio da bismo izašli u susret toj kompaniji.

Dopredsjedavajući, ja zaista moram upozoriti i vijećnike SDA imamo tačku koja je 14 ili 15. Informacija o stanju obrta malog i srednjeg obrta i sve su to teme da o tome raspravljamo. Dajte da se sad posvetimo ovoj tački

dnevnog reda i donesemo Odluku kako bi ljudi u Službi i ti biznismeni o kojima brinemo konačno mogli da počnu da rade. Zamolio bih vas da ako želite da odgovarate na ove prozivke, molim vas da kratko odgovorite.

Fuad Hajrulahović, u dogovoru sa firmom koja je htjela da dograđuje svoju halu, ona nije postupila ni po regulacionom planu, nego po svom planu izgradnje. Na prvom sastanku smo dogovorili da oni pocijepaju parcelu, opet ponovo po treći put nisu htjeli ostatak zemljišta da pretvore, skoro mjesec dana nisu to uradili. Onog dana kada su oni nama donijeli podatak o cijepanju parcela isti dan je otišao zahtjev prema Kantonalnom Ministarstvu poljoprivrede, vodoprivrede i šumarstva za pretvorbu poljoprivrednog zemljišta. Uslov je bio taj da mora izaći kantonalni poljoprivredni inspektor i ja sam zamolio Kanitu inspektoricu koja je nekad radila u Općini Maglaj koja je izašla na teren i napravila zapisnik. Taj zapisnik je trebao neko da potpiše od prisutnih ispred firme. Međutim, momak koji je ovlašten da vodi tu firmu je nazvao svoju vlasnicu koja je rekla da on ne smije potpisati zapisnik i inspektor se pokupio i otišao i rekao da će biti do pet sati na radnom mjestu ako se vlasnica pojavi da dođe da potpiše. Vlasnica je nazvala inspektora i rekla da ona neće biti ničiji kurir i da ona neće nikom doći da potpiše zapisnik, ako kome treba da se potpiše da joj se dođe na noge. Ja sam lično zamolio ljude koji gore rade da pokušaju da je ubijede da je to obični paraf na zapisnik jer ništa nije negativno pisalo u tome. Nažalost ni do danas dan vlasnik objekta nije potpisao zapisnik, mi smo taj zapisnik kojeg je kantonalni inspektor uradio prosljedili u Ministarstvo bez potpisa vlasnika. I poslije toga sam ja zvao 5-6 puta i zamolio i obećano mi je i ja očekujem da će to u dan dva biti riješeno. I to je sva istina. Imamo mi izvještaj o tome sve poredano po datumima.

Dopredsjedavajući, zaključujem raspravu i dajem na glasanje

Z A K L J U Č A K

3.1. Donosi se Odluka o zamjeni nekretnina i prodaji nekretnina – zemljišta u vlasništvu Općine Maglaj „Bingo“ d.o.o. Tuzla neposrednom pogodbom, radi oblikovanja građevinske parcele. Općinsko vijeće utvrđuje cijenu od 40,00 KM/m².

Usvojeno jednoglasno sa 24 glasa za:

Svjatlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman (SDP), Muhamed Hrnjić, (SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bežić, Safet Jašić, Edina Jašić, Edib Delić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Ferić.

AD - 4. Prijedlog Odluke o djelimičnoj izmjeni Regulacionog plana Centar Maglaj – sjeverni dio (zahtjev „Alu Wood inženjering“ i „Saraj-Milk“ Maglaj)

Fuad Hajrulahović, dobili ste prijedlog Odluke o pristupanju djelimične izmjene Regulacionog plana Centar Maglaj – sjeverni dio po zahtjevu firme „Alu Wood inženjering“ i Senada Fežića „Saraj-Milk“ Maglaj. U okviru njihovih zahtjeva i mogućnosti koje je zakon dao Službi šta može u okviru Regulacionog plana raditi, mi nismo mogli udovoljiti njihovom zahtjevu, onda smo dali prijedlog Općinskom vijeću da se ide u djelimičnu izmjenu Regulacionog plana. Vi se dobro sjećate bili ste neki i u Vijeću kada je „Saraj-Milk“ otkupio zemljište između nove gradske džamije i objekta SP 70 za izgradnju poslovno stambenog objekta. Na tom prostoru predviđena je izgradnja stambenog objekta P+4+mansardu, a ovdje je rečeno P+5 jer oni svi mansardu zanemare i pretvore u punu površinu tako da je to praktično P+4+mansarda. Dimenzije tog objekta po širini, po dužini i visini njima ne odgovaraju i oni su tražili da se te dimenzije po pitanju širine objekta, dužina objekta bi ostala ista i visine objekta da se promijeni. Njihova želja je bila da se u maksimalnim širinama koje se mogu zadovoljiti znači odstojanje od nove gradske džamije i od postojećeg objekta da ne utiče na to da im se dozvoli maksimalna širina objekta to cca nekih 16 metara, dužina bi ostala ista, s tim što je njihov prijedlog da to bude prizemlje i 6 etaža.

S obzirom da to izlazi iz nadležnosti Službe u okviru Odluke provođenja Regulacionog plana, mi smo iz tog razloga i dali prijedlog da li će se ići u djelimičnu izmjenu Reg. plana i dali smo vam opet dvije mogućnosti znači redovan postupak, što znači javni uvid, javna rasprava ili skraćeni postupak.

Otvaram raspravu

Vijećnik Mirza Bradarić, vezano za ovu sliku malo mi je nejasna želim postaviti jedno pitanje. Svjesni smo mi ovih dana da se u Maglaju već jedan stambeni objekat je gotov i u planu je da se pravi drugi i treći itd. i naravno nema niko ništa protiv toga. Neka prave i grade. Svjesni smo da uz realizaciju tih projekata kada zgrada bude gotova, dolazimo do jednog drugog problem tj. parking prostori oko tih stambenih zgrada. Kod „Karingtonke“ zgrada je završena, stanova puno ima skoro svako ima auto. Gdje će ti ljudi parkirati?

Ako je ovo prizemlje + 6, to će biti veći broj stanova. Kako je riješen problem parkinga oko te stambene zgrade?

Vijećnik Safet Jašić, sigurno je dobro kad se nešto gradi, međutim imam i ja neka pitanja. Naravno da će Klub SDA podržati ovo nebitno da li po skraćenom ili redovnom postupku. Nisam razumio koja je udaljenost od gradske džamije i da li će svojom visinom ugrožavati onu stranu prema gradskoj džamiji?

Što se tiče parkinga mislim da je to planirano u podrumskim prostorima da će zgrada imati parkinge. Ovo nas zanima lično.

Vijećnik Nedžad Lokmić, samo dva pitanja vezano za parking prostor oko zgrada, da li je planirano koliko i preporuka sugestija da po visini zgrada ne prelazi visinu SP objekta, da li je tako planirano ili ne?

Vijećnik Hajrudin Ferić, sjetit ćemo se mi na prošloj sjednici OV kad smo mijenjali plan po zahtjevu Biljinac Bekrija gdje je bilo određenih pitanja, primjedbi, pa koliko sam razumio čak i prijetnji od strane nekih stanara, a obzirom na dimenzije ovog predloženog objekta, mislim da bi trebali neka dodatna pojašnjenja u svemu tome, jer ja sam spreman da glasam i po skraćenom postupku ukoliko bi se utvrdili nekakvi kriteriji. A ako nemamo mi osnova da to radimo onda bi najbolje bilo da to ide u redovnom postupku kako bi omogućili ljudima da se izjasne i da mi čujemo mišljenje građana, a znamo da je onaj dio prilično gusto naseljen i da vjerovanto su dobar dio njih zainteresovani da daju svoje mišljenje.

Vijećnica Selma Avdić, samo da se nadovežem na ovu priču, ja sam iznijela na prošloj sjednici vijeća vezano za Biljinac Bekriju negodovanje građana i meni je žao što ti ljudi neće doći i sjesti ovdje zajedno sa nama i iznijeti svoje negodovanje, nego će nas zaustavljati po gradu kao općinskog vijećnika i govoriti to svoje nezadovoljstvo. Zato bi željela da ovo ide u redovnom postupku pa da se svi građani izjasne, mislim da bez njihovog mišljenja ili protivljenja da bi to bilo ružno. Što se tiče ovih parkinga, danas imamo i Odluku vezano za parkinge.

Vijećnici su saglasni da se razmatra istovremena i tačka

AD-5 - Prijedlog Odluke o djelimičnoj izmjeni Regulacionog plana Centar Maglaj – sjeverni dio (zahtjev Begić Jasmin, Husukić Ibrišim i Hadžić Semir)

Fuad Hajrulahović, prvo da odgovorim na par pitanja koja ste postavili. To su pitanja koja će se raditi tek u postupku izmjene Regulacionog plana. Ovo što su oni nama ponudili, ponudili su maksimalan broj parking mjesta u podrumu i imamo određeni jedan mali dio oko objekta, s tim što mi imamo po našem Regulacionom planu tu predviđenu jednu kolektivnu garažu, pitanje je kad će doći do realizacije. Ta kolektivna garaža treba da riješi kompletan problem i ova dva objekta, buduća nova, problem jest SP 70 i ovih stambenih blokova. Do realizacije te kolektivne garaže ostat će dugo.

Što se tiče prijedloga Odluke o djelimičnoj izmjeni Reg. plana, bez obzira kako prihvatite on bi trebao biti isti pošto se radi o zahtjevu Begić Jasmina, Hadžić Semira i Husukić Ibrišima. Ista stvar, oni su nezadovoljni veličinom objekta kojeg žele graditi na toj lokaciji. Po Reg. planu je tačno definisano oblik objekta i dimenzija objekta. Građevinske linije su tačno definisano ovako kako je objekat sad. Ono što oni predlažu da se na ovom prostoru pravi veći objekat po dužini, po širini i po visini. U međuvremenu, već se tu pojavio susjedni vlasnik objekta koji nije zadovoljan s tim. Imamo već situaciju da je objekat maksimalno po Regulacionom planu na jednoj međi koji je na susjednoj parceli s jedne strane prema Doboju i s druge strane na crkvenom dvorištu praktično uz samu među. Podnosioci zahtjeva su saglasni da se izvrši korekcija pomjeranja, a s obzirom da pomjeramo i građevinsku liniju i dužinu i širinu i visinu objekta, Služba smatra da ona o tome ne može sama odlučiti da je to ipak malo kompleksniji slučaj, pogotovo što već imamo sporne komšije tako da bi to ipak moralo proći proceduru izmjene Reg. plana u koji bi se moraju uključiti i Islamska zajednica i stanari, tako i ovdje i Pravoslavna crkva i Hasanići komšije. Mada su oni s njima u pregovorima, ovim prijedlozima Odluke, Služba nije ništa definisala osim da se krene u postupak ukoliko Vijeće donese Odluku. Kolike će biti dimenzije, spratnost, dužina, širina to će zavistiti od javnog uvida i javne rasprave i do konačne odluke Općinskog vijeća koju vi donosite.

Nekada po ovom Regulacionom planu po starom bio je objekat na L na samom uglu pa onda kada je tu zemljište otkupio Tepavac Goran, u zamjenu kada se radio Konzum dobio je tu komad zemlje općinske, onda je tu promijenjen Regulacioni plan pa je bio predviđen jedan stambeno poslovni objekat manjih dimenzija, pa je onda opet rađena ponovo izmjena pa je došao taj polukružni objekat i ovo je 4-ta ili 5- a izmjena koja bi se trebala raditi. Problem i jednog i drugog objekta je sigurno parkiranje vozila i to ne samo tu nego u čitavom gradu imamo problem, jer prilikom izrade Regulacionog plana zanemarene su, odnosno tumačenje je bilo da se to rješava tim centralnim garažama, ali to u Maglaju teško.

Pauza za Klubove SDP-a i SDA.

Vijećnica Kanita Bašić, nakon pauze mi ćemo prihvatiti prijedloge Odluka o djelimičnoj izmjeni Regulacionih planova i pod tačkom 4 i 5, ali predlažemo da ide u redovnoj proceduri, a predlažemo da Služba skрати što je moguće više i da se samim tim i ubrza realizacija.

Vijećnik Safet Jašić, pošto su ova dva objekta koja trebaju da se radi u blizini dva vjerska objekta i Klub SDA je na putu toga i predlažemo da ide u redovnu proceduru. Naravno molimo da ide što prije da ne bi se doveli, poslije je kasno kad uđemo u neke radove, teško je to razriješiti. Predlažemo da to ide u redovnoj proceduri.

Dopredsjedavajući OV, naravno i Služba ima pravo da određeni rokovi koji su stavljeni da uzme te koji su najkraći putevi.

Vijećnik Safet Jašić, nas uvijek investitori pokušavaju ubrzati i ovaj put se to događa i oni žele da to ide po kratkom postupku, moramo biti oprezni kad su ove dvije izmjene u pitanju.

Dopredsjedavajući, zaključujem raspravu i dajem na glasanje:

Z A K L J U Č A K

4.1. Donosi se Odluka o djelimičnoj izmjeni Regulacionog plana Centar Maglaj – sjeverni dio (zahtjev „Alu Wood inženjering“ i „Saraj-Milk“ Maglaj, u redovnoj proceduri.

Usvojeno jednoglasno sa 24 glasa za:

Svjetlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman(SDP), Muhamed Hrnjić,(SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bežić, Safet Jašić, Edina Jašić, Edib Delić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Ferić.

Z A K L J U Č A K

5.1. Donosi se Odluke o djelimičnoj izmjeni Regulacionog plana Centar Maglaj – sjeverni dio (zahtjev Begić Jasmin, Husukić Ibrišim i Hadžić Semir), u redovnoj proceduri.

Usvojeno jednoglasno sa 24 glasa za:

Svjetlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman (SDP), Muhamed Hrnjić,(SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bežić, Edib Delić, Safet Jašić, Edina Jašić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Ferić.

AD - 6. Odluka o davanju saglasnosti za promjenu oblika parcele koja se izuzima na ime naknade za dodijeljeno zemljište Čatić (Salih) Husejinu iz Bijele Ploče, općina Maglaj.

Fuad Hajrulahović, nije davno bilo kad je OV usvojilo odluku o zamjeni zemljišta na Bijeloj Ploči između općinskog zemljišta i zemljišta u vlasništvu Čatić Husejina. Jedan od zaključaka tada je bilo da Služba provjeri postavljenu ogradu na međi između općinskog zemljišta i Čatić Husejina. Tom Odlukom koju je Vijeće donijelo za ovu parcelu koja je 109/2, mijenjana je parcela 110/7. Provjerom na terenu utvrđena je granica koju je Čatić uspostavio samovoljno i ona ide od rijeke Jablanice, prema saobraćajnici. Sreća je ta što su površine ostale identične, tako da nema promjena površina, samo je oblik parcele koju je on trebao da ustupi Općini Maglaj sad drugačija.

Otvaram raspravu

Vijećnik Nedžad Lokmić, Klub SDP-a će prihvatiti ovaj prijedlog vođen materijalima koje smo dobili, gdje se uredno vidi da je i komisija uradila svoje. Stanje je na terenu takvo kakvo jeste i cokolje je urađeno, izbetonirano i tu se šta ne može niti promijeniti. Bitno je da se radi o istoj površini, ta korekcija ne mijenja ništa na terenu.

Vijećnik Safet Jašić, Klub vijećnika SDA prihvata prijedlog Odluke o davanju saglasnosti za promjenu oblika parcele koja se izuzima na ime naknade za dodijeljeno zemljište Čatić (Salih) Husejinu iz Bijele Ploče, općina Maglaj.

Dopredsjedavajući, zaključujem raspravu i dajem na glasanje

Z A K L J U Č A K

6.1. Donosi se Odluka o davanju saglasnosti za promjenu oblika parcele koja se izuzima na ime naknade za dodijeljeno zemljište Čatić (Salih) Husejinu iz Bijele Ploče, općina Maglaj.

Usvojeno jednoglasno sa 24 glasa za:

Svjetlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman(SDP), Muhamed Hrnjić,(SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bežić, Safet Jašić, Edina Jašić, Šefka Hasanić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Ferić.

AD - 7. Prijedlog Odluke o izmjenama i dopunama Odluke o vodovodu i kanalizaciji;

Fuad Hajrulahović, dobili ste prijedlog Odluke o izmjenama i dopunama Odluke o vodovodu i kanalizaciji, tačnije rečeno radi se o izmjeni u članu 15. stav 4a).

Općinsko vijeće je donijelo Odluku o vodovodu i kanalizaciji 31.12.2003. godine. Odlukom koja je donesena 2003. godine u članu 15. u tački 4 a) kaže za objekte u svojini pravnih lica, društava i drugih organizacija priključak na vodovodnu i kanalizacionu mrežu je 6,3 KM/m² korisne površine objekta, priključak na vodovodnu mrežu bez kanalizacije 4,4 KM/m² korisne površine i priključak na kanalizaciju bez priključka na vodovod 1,9 KM/m² korisne površine objekta. U proteklom periodu imali smo nekoliko slučajeva gdje nam privredni subjekti i privredna društva nisu priključili na vodovod i kanalizaciju iz razloga što su to bile enormno visoke cifre i mi smo 2015. godine pokrenuli inicijativu da se ti troškovi priključka na vodu i kanalizaciju smanje. Zašto je ova Odluka 2003. godine donesena takva, zato što 2003.godine nismo imali ni jedan objekat stambeni u Maglaju koji je bio veći od 100 ili 200 m² i to nije bilo puno. Danas kad se grade objekti od 1000, 2000, 5,10 i 20 hiljada m² to su enormne cifre. U saglasnosti sa KJD smo se dogovorili da napravimo korekciju dijela te odluke u članu 15. Prethodno neko ko je imao 10.000 m² trebao je da plati 63.000 KM na vodu i kanalizaciju, neko ko ima „Bingo“ koji danas pravi 20.000 m², trebao bi da plati nekih 134.000 KM i mislim da svi smatrate da je to previsoko. Iz tog razloga smo dali jedan prijedlog i u članu 15. stav 4. Dali prijedlog za poslovne, proizvodne i druge objekte u svojini pravnih lica i drugih organizacija priključak na vodovodnu, kanalizacionu i hidrantsku mrežu je do 10.000 m² je 1,00 KM/m² a preko je 0,7 KM/m² korisne površine, što znači da će u konkretnom slučaju „Bingo“ koji ima 20.000 m², umjesto 134.000 KM platiti 15.000 KM itd. Isto smo tako razdvojili i ove ostale priključke samo na vodu i kanalizaciju mada imamo malo takvih objekata. Imamo samo par objekata u Poljicu gdje nemamo izgrađenu kanalizaciju a imaju mogućnost na priključak na gradski vodovod, nisu se priključili samo iz razloga visoke takse. Ostali dio Odluke ostaje za sada nepromijenjen.

Otvaram raspravu,

Vijećnik Adis Abdurahmanović, Klub vijećnika SDA će podržati prijedlog Odluke o izmjenama i dopunama Odluke o vodovodu i kanalizaciji.

Vijećnik Muhamed Hrnjić, meni je posebno drago što je ova tačka dnevnog reda došla danas i što računamo da ćemo prihvatiti. Udruženje privrednika prije 2,5 godine je o ovome raspravljalo i ja sam davao prijedlog na Vijeće i nije nikad iznesen prijedlog da ide na Vijeće. Ja računam da će danas ovo biti prihvaćeno.

Vijećnik Hajrudin Ferić, obzirom da su se već izjasnili veliki klubovi da će biti prihvaćen ovaj prijedlog, onda je nesumnjivo da će biti prihvaćen i sasvim sigurno nema osobe ovdje, nema vijećnika i gosta koji ne bi išao u tom pravcu da nešto što je opterećavalo privrednike dugi niz godina dovedeno u neku skalu podnošljivosti i normalnosti kako za potencijalne investitore, tako i za druge. I to je apsolutno sve jasno i naravno da će biti prihvaćena ova Odluka o izmjeni i dopuni Odluke o vodovodu i kanalizaciji.

Ono što ću ja ponoviti ovdje a što sam već govorio i u ranijim neakvim situacijama kad smo razgovarali o cijeloj ovoj priči je činjenica pod broj 1, da nismo ovdje dobili kroz ovu Odluku, a i inače ne praktikujemo tzv. ocjenu finansijske odgovornosti što je po zakonu obavezno u obrazloženju, odnosno u dijelu materijala gdje se ovakve odluke donose. Naravno nekom će biti investitorima i enormno smanjene ove takse i deset puta, ali taj novac je negdje trebao da ide za nešto, da je neko platio 100.000 KM, sigurno bi došao na nečiji budžet i bile bi raspoređene. Mi to ne znamo, gdje bi kako i na koji način bili raspoređeni i šta inače sama ta odluka povlači, ne samo za „Bingo“ koji je u konkretnom slučaju ovdje kao potencijalni investitor, pa mu olakšavamo tu mogućnost gradnje. Malo prije smo donijeli Odluke o pristupanju izmjene Regulacionog plana za dva velika stambena objekta koji su objekti za rentanje, odnosno za prodaju stanova na tržištu, uglavnom mladim ljudima, ljudi koji će se i te kako obogatiti na ovom što mi njima pokušavamo ubrzati.

Mislim da trebamo biti jako oprezni kad donosimo ovakve odluke i jako oprezni kad inače pravimo analitičke sve eventualne potrebe i sve ono što nama vrijeme donosi. Ova Odluka pomenuo je gospodin Hajrulahović iz 2003. godine, mislim da je u potpisu Fahira Spahić. Ko se sjeća još tih vremena. U međuvremenu 2006. i 2010. godine doneseni su zakoni koji tretiraju te oblasti i nismo imali tih prijedlog. Fala Bogu da je ovo došlo sad na vrijeme, a mislim da je došlo krajnje vrijeme da mi zaista rastabirimo ovu Odluku o vodovodu i kanalizaciji koja inače tretira samo gradsko područje i da vidimo eventualno potrebu za jednom novom odlukom o vodovodu i kanalizaciji, da je prije svega uskladimo sa zakonima i drugim aktima, naravno da nađemo i jednu razumnu mjeru u ovim naknadama ne samo za privredne subjekte, jer po ovoj skali kako je predložena svi su isti. Jel se bavio trgovinom, rentama, proizvodnjom i preradom itd. Možda mi imamo mogućnosti kao vijeće da neka u nekoj odluci i napravimo neke razlike po bilo kom osnovu.

Zato predlažem da nam se u nekom razumnom roku do kraja godine, predloži i nova potpuno nova Odluka o vodovodu i kanalizaciji ovdje u formi nacrtu na Općinsko vijeće.

Vijećnik Mirza Bradarić, Klub SDP-a će sa zadovoljstvom prihvatiti prijedlog ove Odluke.

Mnogi su govorili ako smanjimo ta sredstva, bit će oštećen Budžet Općine, bit će oštećen budžet KJD itd. Međutim, mi smo imali situaciju da zaista nismo sad došli do ovog momenta da promijenimo ovu Odluku i da

smanjimo ovu cijenu 130 hiljada KM, plus PDV i ostale sve dadžbine i materijal, možda bi čovjeka izašlo na 200 hiljada. Ja ne znam obzirom da je kupio zemlju vjerovatno bi on nastavio dalje sa procedurom gradnje objekta i otvaranja objekta, a zamislite koji bi to glas bio u narodu van općine Maglaj. Sigurno je da bi čovjek rekao nemojte dole ići, naknade su ogromne. Imamo primjer kolege Muhameda Hrnjića, zna čovjek i kakva mu je situacija bila i kad je otvorao firmu dat tolike pare. Vjerujem da će ovo biti potez koji će privući i ostale investitore, ne samo u ovu poslovnu zonu, nego u sve ostale poslovne zone koje imamo na području općine Maglaj. Bila je kritika prema Načelniku da je on kriv što određena firma ne želi više da nastavi sa radom ovdje, da nije zadovoljna itd.

Ja pohvaljujem i Načelnika i inicijatore kad je u pitanju prijedlog ove Odluke, jer mislim da će samo donijeti više dobra, nego bilo kakvog zla ili nečeg lošeg.

Fuad Hajrulahović, ja nisam htio u startu da vas zamaram, prije izrade ove Odluke. Mi smo prihvatili podatke od svih općina ZDK i Tuzlanskog kantona. Današnja naša cijena ako je vi usvojite, ona je još uvijek veća nego kod ostalih. Nismo na velikom gubitku što se tiče tih taksi za priključak. I dalje smo mi još uvijek nešto malo iznad općina koje su u našem okruženju.

Vijećnik Mirza Bradarić, jasno je meni ovo što gospodin Hajrulahović kaže, možda i jest cijena veća nego u ostalim općinama, ali ja mislim da je bolje i ovo, da se i na ovu cijenu uspije nešto naplatiti nego ovo što smo do sad imali, da ni općina a ni niko drugi ne naplati ništa. Bolje je i ovo nego drugo, možda i jest na osnovu starog prijedloga, ali bolje je išta da se naplati nego ništa.

Dopredsjedavajući, zaključujem raspravu i dajem na glasanje

Z A K L J U Č A K

7.1. Donosi se Odluka o izmjenama i dopunama Odluke o vodovodu i kanalizaciji.

7.2. Zadužuje se Služba da u određenom roku do kraja godine, pripremi novu Odluku o vodovodu i kanalizaciji usklađenu sa zakonskim propisima, koju će ponuditi Općinskom vijeću na usvajanje.

Glasalo 21 glas za:

Svjatlana Zamboni, Nedžad Lokmić, Mirza Bradarić, Armin Hrnjić, Irena Herceg, Firuz Galijašević, Anida Šahman (SDP), Muhamed Hrnjić, (SBB), Kanita Bašić, samostalna vijećnica, Adis Abdurahmanović, Nedžad Alispahić, Avdić Selma, Mirsad Bežić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik, Elvir Vehabović, Mustafa Bešić, Fikret Delić i Hajrudin Ferić.

Glasalo 3 glasa uzdržana: Safet Jašić, Šefka Hasanić i Edib Delić (SDA).

AD – 8 - Izvještaj o izvršenju Budžeta Općine Maglaj za period 01.01.-30.06.2018.godine;

Općinski načelnik, kako nema izvjestitelja Senade Alibajraktarević u familiji je imala smrtni slučaj, tako da danas ne radi, a uposlenica Sabina Grahić je na godišnjem odmoru.

Što se tiče Budžeta dobili ste materijale, tabelarne prikaze i obrazloženje. Kad čujemo komentare i pitanja ja sam na raspolaganju da odgovorim.

Otvaram raspravu

Vijećnik Adis Abdurahmanović, ja ću iznijeti par primjedbi:

na strani 8 analitički dio 613991 pod ostale ne spomenute odluke. Planirano je 4.000,00 KM a izvršenje 10.077,00 KM. Ako je već toliko povećanje 251,93% izvršenja u odnosu na planirano bilo bi korektno da se pomene koje su to usluge, a ne da bude pod „nspomenute usluge“.

Na strani 9. Tekući transferi mjesnih zajednica redovan rad. Planirano 30.000,00 KM, izvršenje 11.203,00 KM, što je 37% izvršenja u odnosu na planirano, a prošle godine je bilo oko 15.000 znači 515 u ovom vremenskom periodu što je veliko smanjenje pa eto i to me zanima.

Strana 14 analitički dio 615117 kapitalni transferi mjesnih zajednica, sufinansiranje izrade i projekata. Planirano 350.000 KM, izvršeno 18.028 KM ili 5,15%.

Vijećnik Nedžad Lokmić, Klub SDP-a je razmatrao Izvještaj, vidljivo je da je detaljno razrađen i vrlo bitno urađen u skladu sa važećim zakonskim propisima. Opet padaju u oči različiti procenti izvršenja, već je i kolega neke naveo od jako niskih do jako visokih ili pak blago iznad planiranih. U vezi rashoda može se postaviti bezbroj pitanja, zašto su pojedine stavke takve kakve jesu, veće, manje, zašto su neke daleko iznad planiranih ili pak obratno. Nećemo ulaziti u detalje i pojedinačno ih nabrajati jer smo ubijeđeni da je Načelnik i ove godine kao i prošle godine radio onako kako je i planirano, kako je zacrtano bez bahatosti, rastrošnosti, radeći puno na popravci prihodovne strane što većeg broja opisanih segmenata.

Ovdje smo da svi zajedno prokomentiramo, damo svoje osvrte, sugestije stavove ili pak da do kraja godine izvršenje bude još bolje. Jasno nam je svima da je zbog neizbježnih proceduralnih stvari mnogo stavki ne uneseno, odnosno da nisu plaćene ili će pak biti plaćene poslije izvještajnog perioda i naravno nisu mogle ni ući u ovaj izvještaj. Treba naglasiti a i vidljivo je iz izvještaja da grupa poreznih prihoda u ovoj godini pokazuje porast od

nekih 200.000 KM, ili 12% u odnosu na realizaciju ovih prihoda za period 2017. godine. I porezni prihodi iz grupe poreza i na imovinu bilježe povećanje u odnosu na prethodnu godinu za nekih cca 38.000 KM ili 24%. I vidjeli ste i na kraju kako je za navedeni izvještajni period ostvaren ukupan suficit od 600.000 KM. Ovdje želimo istaći da su najbolji pokazatelji izvršenja Budžeta zadovoljstvo i pozitivne kritike raznih udruženja boračkih i civilnih, klubova učeničke, studentske populacije, korisnika stipendija itd. svi oni se više ne žale na podršku Općine u njihovom finansiranju gdje realizacija u pojedinim segmentima i preko planiranih 50% za prvih 6 mjeseci ove godine. Nije izostala ni podrška parlamentarnim strankama, obrazovnim ustanovama, njihovim takmičenjima, predškolskim obrazovnim ustanovama, kulturnim projektima itd. gdje je opet procenat ili blizu 50%, a na mjestima i preko. Urađeno je dosta na sanaciji puteva, mostova i uređenju i održavanju kulturno historijskih spomenika, nije izostala ni podrška javnim ustanovama, Domu kulture, Biblioteci itd. Raduje blagi porast poreznih prihoda i iz grupe prihoda na imovinu i iz grupe prihoda na dohodak.

U ime Kluba vijećnika SDP-a mi ćemo podržati izvještaj o izvršenju Budžeta za prvih 6 mjeseci ove godine.

Vijećnik Mustafa Buljubašić, nekad je teško i istinu kazati, mi smo dobili mnogo stvari drugačije piše, nego što moj prethodnik je to vidio. Ja ću o penzionerima. Mi u Maglaju imamo oko 2000 penzionera koji imaju najnižu penziju 348,00 KM. Pola njih dadne $\frac{1}{4}$ za lijekove. Ja vrlo često idem ljekaru i moja supruga i znamo da nam pola penzije treba samo za to. Nažalost ovdje se neko izživljava na penzionerima, pa ću ja to po dvije stavke pročitati.

Mi imamo pod analitičkim dijelom broj 50 subvencioniranje socijalnih programa penzionera. Ja ovdje moram da kažem koji programi, liječenje, borba za zdravlja, borba za život i prehrana. Mi ne možemo izmišljati da nam trebaju krave, plastenici i neke druge stvari, jer mi nismo više za posla. Bar 50% penzionera koji su zaradili puni radni staž onda uzmite koje su godine. Pod ovom stavkom je predviđeno 15.000 KM za subvencioniranje socijalnih programa penzionera. Izvršenje 8,33% ili 1.250,00 KM. Od ovog iznosa ni jedna marka nije došla u udruženje, ova cifra nije tačna, možda je nju neko nekom podijelio, ali što se tiče Udruženja penzionera nije došla ni jedna marka.

Dalje pod analitičkom tačkom 136 gdje pomoć za rad sufinansiranje rada penzionera. Ovdje je predviđeno 9.000 KM, Udruženje penzionera je dobilo 2.250 KM, ovdje piše da je izvršenje 31% ili 2.812,50 KM. To nije tačno za prvih šest mjeseci je došlo 2.250,00. Jest 03.07.2018. godine došlo 562,50 KM. Ako je to dovoljno za penzionere, neka vam je na čast, danas što sjedite ovdje što su vam penzioneri dali vlast, kako OV, tako i Općinskom načelniku. Ako je ovo zahvala penzionerima, naći ću načina da se penzionerima obratim i vjerovatno to ova televizija neće dozvoliti na način onako kako bi ja htio pravedno da se obratim, ali ima i drugih televizija i novina i štampe.

Jednu sam izjavu dao jednoj našoj novinarki i ja vjerujem da to ona nije namjerno napisala umjesto 2.250,00 KM, napisala je 3.250,00 KM, međutim, ja to ovdje demantujem da nije tačno, mi smo dobili svega 2.250,00 KM. Ovo je sramota sviju nas koji ovdje sjedimo i nemojmo govoriti da smo učinili nešto za te ljude, nismo učinili ništa. Još će nas više biti starijih, još će nas biti više iznemoglih a omladine neće biti i sav sam sretan jer sam stanje u Bosni smatrao da se ono mora riješiti na neki način. Ovakvo stanje je u Bosni cijelom. Međutim, sretan sam što je ova omladina pronašla jedan bezbolni način, a to je odlazak truhom za kruhom. Ja im želim sreću i podržavam taj odlazak, jer ostati sa 300 do 400 KM u proizvodnji je katastrofa. Zabrinimo se šta radimo.

Vijećnica Selma Avdić, stav Kluba SDA je da odbija Izvještaj o izvršenju Budžeta Općine Maglaj za period 01.01.do 30.06.2018.godine iz prostog razloga što su nerealno planirane prije svega prihodi od poreza i neporezni prihodi, te su ukupni prihodi ostvareni sa 37,77% umjesto 50% , što znači da smo bili u pravu kada smo rekli da je Budžet nerealno planiran prilikom usvajanja Budžeta za 2018. godinu. Izvršenje Budžeta ne možemo prihvatiti ni iz razloga što je ostvaren suficit od 597.244,73 KM i očito je da je dio ovog suficita trebalo usmjeriti u sanaciju nastalih šteta u majskoj poplavi 2018. godine, a iz same informacije o nastalim štetama usljed prirodne nepogode se jasno vidi da sve što je sanirano, sanirano je iz sredstava federalne i kantonalne CZ ZDK. Jasno je da su i ostvareni rashodi na nivou od 30%, a da se pratilo izvršenje Budžeta po osnovu prihoda isti su trebali biti 37,77%. Neshvatljivo je da za izradu projektne dokumentacije za sanaciju klizišta nije izdvojena ni jedna jedina KM, a svjedoci smo da najmanje deset klizišta na području općine Maglaj ugrožava bezbjednost građana i imovine, te putne komunikacije, a u sanaciju klizišta nije ni usvojena ni 1 KM, a da ne nabrajamo dalje pozicije na kojima nije utrošeno ono što je trebalo realno i ono što je bilo u skladu sa mogućnostima Budžeta, a u interesu stvaranja što boljih uvjeta za život građana. Moramo navesti da od preporoda i promocije turizma i turističkih usluga koje su obećane nema ništa i u projekte iz oblasti turizma nije izvršena ni jedna jedina KM, ukoliko se pod promocijom turizma i preporoda ne podrazumijeva 30tak novih klupa postavljenih za sjedenje za šetače maglajskim ulicama, a vjerovatno će biti postavljeno još novih klupa po mjesnim zajednicama, kada građani mjesnih zajednica naprave betonske nosače, a onda će Općina ili KJD na betonsku konstrukciju postaviti 4-5 drvenih letvi.

Vijećnik Safet Jašić, imamo još nekoliko primjedbi kada je u pitanju izvršenje Budžeta za prvih 6 mjeseci. Na ime održavanja i rekonstrukcije lokalnih i nekategorisanih i gradskih ulica izvršenje je samo 17,50%, jasno nam je da je tako jer samo u Maglaj gradu bilo krpanje rupa, na gradskim ulicama i gradske ulice su ponegdje dovedene do nivoa da je moguće da se odvija normalan saobraćaj, a o putnim komunikacijama kroz n/m i MZ ne treba ni govoriti. Nadamo se da će do izbora putevi koliko toliko se dovesti u red, ali nije nam jasno ni da se za tekuće održavanje, rekonstrukciju ulične rasvjete nije potrošila ni jedna KM, kao i za sufinansiranje projekata energetske

efikasnosti što po nama nešto nije u redu. Za moje n/m znam da nije uložena ni marka. Očito je da samo dobro idu jednokratne novčane pomoći u razne svrhe, ali Klub vijećnika SDA bez obzira na postavljena vijećnička pitanja u nekoliko navrata nikada nije mogao dobiti odgovor na svoja pitanja i spisak lica kojima Općina isplaćuje jednokratne novčane pomoći. Danas tražimo da nam se dostave spiskovi dodijeljenih jednokratnih novčanih pomoći koje su dodijeljene u 2017. godini i prvih 6 mjeseci 2018. godine.

Iznijeli smo samo dio naših primjedbi i obrazloženja zbog kojih ne možemo prihvatiti Izvještaj o izvršenju za prvih 6 mjeseci 2018. godine. Jasno nam je da ni na jednu primjedbu nećemo dobiti odgovor, a da ćete napadati vlast od prije 4,5,8 godina, što je u ostalom i vaš stil i to se ponavlja iz diskusije u diskusiju.

Općinski načelnik, hvala vam što ste iščitali izvještaj, takav je kakav je i shvati ćete ga onako kako želite, a ne onako kakav jeste.

Što se tiče ostalih usluga 250% je, ne znam napamet šta je u tome, ne radi se ni o velikom novcu tamo ste rekli 4.000,00 KM izvršeno 10.000 KM i vjerovatno je neka potreba. Nije sigurno ništa urađeno mimo Zakona o budžetu a informaciju možete dobiti šta se tu nalazi, ne mogu znat napamet svaku stavku.

Što se tiče izvršenja za mjesne zajednice za redovan rad, udruženja i mjesne zajednice, dijelom će ovo biti odgovor i vijećniku Buljubašiću, prati se procenat izvršenja Budžeta. A kako rade mjesne zajednice o tome nemojte ni da govorimo pojedine, a pojedine rade dobro.

Što se tiče kapitalnih transfera mjesnim zajednicama vjerovatno je rezultat toga izborna godina pa svi hoće sebi da pripisu dobre Budžete itd. Sve godine do sad vodne naknade iz Kantona su dolazile u Budžet općina. I ove godine je planiran prihod od nekih 350.000 KM za vodne naknade i mi ćemo tih 350.000 KM vodnih naknada ili koliko Kanton bude opredijelio, mi ćemo njih realizovati na terenu ali će se finansijski završiti kroz Budžet Kantona. To je ta razlika, ne lošeg planiranja, ne nemanja podataka nego jednostavno je Kanton promijenio taktiku ove godine. Zašto su to uradili to je do njih. Ono što nas raduje je da radimo dobro na punjenju Budžeta, ova mogućnost od ovih 350.000 KM otvorit će nam vrata da ćemo realizovati neke druge projekte, to je pred nama i to ćete imati priliku vidjeti.

Što se tiče primjedbi od Kluba SDP-a, dakle različiti procenti izvršenja, neki procenti izvršenja prate mjesečne tranše i prate procenat izvršenja, a neke to ne mogu pratiti neke će se završiti kompletno u prvom dijelu godine, a neke nećete naćeti tamo do 9-og mjeseca. Imate primjer općinskih stipendija, završile se sve gore, sad će biti isplata općinskih stipendija. U ovom trenutku je realizacija, za koji dan će biti isplata pa će biti onako kako je Vijeće odlučilo. To je ta neuravnoteženost procenata. Tamo gdje možete i gdje Zakon o Budžetu pratimo to ide u procentu realizacije Budžeta.

Što se tiče realizacije Budžeta kako je naveden 37%, ja apsolutno nisam nezadovoljan, zato što postoji novac oprihodovan, novac koji se troši na terenu, odnosno postoji novac, ali će biti oprihodovan onog trenutka kada se završe radovi, kad se ispostave računi i plaćeno, onda će on biti i na ulazu i na izlazu prikazan, tako da je situacija stvarna drugačija. To ko malo razumije Budžet to će lahko shvatiti.

Što se tiče poreznih prihoda mi pokušavamo da podignemo taj stepen realizacije i jučer smo imali sastanak sa direktorom Poreske uprave ZDK, dobili smo određene sugestije na koji način pomoći. Dobili smo sugestije i oko odluke za komunalne takse koja je donesena na Vijeću. Kladionice su dijelom dobile na Ustavnom sudu, dakle, postoji način da se i ta odluka izmijeni na Vijeću da bude usaglašena 100% sa zakonom a da ni Općina ne gubi, a da ni privredni subjekti koji plaćaju takse nemaju dodatne namete.

Što se tiče suficita od 600.000 KM, vi imate poslove vidite na sve strane da se radi, to je taj novac koji će se utrošiti onog trenutka kad se ispostave fakture i računi. Zašto se sada za razliku od ranijih godina pojavljuje suficit u ovom periodu, kako sam ja načelnik, to možete pitati izvođače radova, stabilizovali smo Budžet imamo novac za ono što planirano, kad završe radove ispostave svu papirologiju ispostave račun plaćaju se odmah. To možete provjeriti kod svih izvođača. Zbog toga je ovakva slika to je vrlo pozitivna stvar.

Što se tiče vijećnika Buljubašića ne znam šta vam znači izivljavanje na penzionerima, ne znam od koga. Za vas vrijedi procenat izvršenja Budžeta, prati uplate tom udruženju kao i drugim udruženjima osim boračkim. Boračkim je udruženjima Vijeće donijelo odluku da se isplati 100% za godinu dana. Ukoliko ovakvo stanje bude sa Budžetom a vjerovatno će i biti niko nam ne brani da i u drugoj polovini realizujemo i neka druga udruženja sa 100% iznosom bez obzira da li će Budžet biti 80, 90% ili 100 %.

Što se tiče programa socijalnog penzionera od 15.000 KM morate to vijećniče Buljubašiću reći građanima istinu. Ni jedne godine niste dobili nikad ni marku. Bili ste i u vlasti i u opoziciji i niste dobili ni tu marku do 2017.godine. 2017. godine je Udruženje dobilo da raspolaže tim novcem i nije raspolagalo onako kako treba, ja sam vam to rekao na jednoj od prošlih sjednica da nisu svi penzioneri članovi Udruženja i da možete kao Udruženje se obratiti Službi za pomoć penzionerima da će komisija odobriti onako kako odobri kao što odobrava i onima što se javljaju a nisu članovi Udruženja penzionera. Jedan jedini moj uslov je da će ljudi dobiti novac koliko god ga dobili, neće dobijati pakete.

Što se tiče primjedbi od strane SDA, da li je Budžet nerealno planiran to će pokazati kraj godine, ne možete govoriti sad o realnosti ili nerealnosti govorili ste i kad smo ga donosili da je nerealan, pa ne očekujem da i sad kažete nešto drugačije, ali vidjet ćemo na kraju godine šta će biti.

Što se tiče suficita mislim da sam vam sad objasnio zašto se vodi kao suficit, a da u stvarnosti je to novac koji je u procesu realizacije.

Što se tiče sanacije klizišta da ni jedna marka nije utrošena, to se varate, ako ne vjerujete meni, vjerujte svojim očima.

Što se tiče turizma, duboko urađeni posao u Općini Maglaj u proteklih 15 godina kada je u pitanju turizam nam je ostavio rezultate da danas uživamo da nas ljudi samo posjećuju, da smo turistička destinacija. Vi znate da što se tiče turizma, ne da nije ništa urađeno nego i ono što je bilo uništeno. I znate svjesni ste da ide Strategija o razvoju turizma i da je to u procesu i ovo novca što je planirano za taj dio će biti ove godine i realizovano, ali kada se nema argumenata onda se dotakne i klupa. Nisu klupe turizam, klupe su uljepšavanje grada, da je ona vlast ostavila klupe ne bi danas KJD i direktor Bradarić morali postavljati klupe na sve strane i popravljati i one koje su bile razrušene i ja čestitam direktoru na tome i ne opterećuje Budžet općine Maglaj, to je nešto što KJD radi i što su našli izvor sredstava i nastavite tako.

Što se tiče izvršenja za puteve samo 17% pa niste valjda očekivali da ćemo raditi puteve u martu ili aprilu a znate kakvo je i vrijeme bilo i znate šta je bilo u maju, ali isto tako ako ne vjerujete meni i gospodinu Hajrulahoviću, vjerujte svojim očima, vidite da se putevi rade i trebat će nam još novca.

Što se tiče održavanja javne rasvjete nula maraka, hajd da kažemo da ima lokacija na području općine Maglaj, gdje je trebalo izvršiti određene sanacije. Firma koja je potpisala ugovor s nama su radili na terenu određene poslove i imali smo malo primjedbi oko kašnjenja sanacije, započeli su i rade sanacije. Zašto je manje održavanje, znate da smo prošle godine uložili sredstva da napravimo nešto čestito, ne da gasimo vatru, nego da napravimo nešto čestito. Zbog toga i ne trošimo ove godine novac u gradu nismo ni jednu marku potrošili, ali ćemo do kraja godine završiti određeni dio rasvjeta i u gradu i vjerujem da ćemo uraditi dio u Kosovi, dio u Domisluci i Stari grad će biti obasjan itd.

Što se tiče spiska jednokratnih pomoći, Jašiću makar se vi i ljutili na svog Načelnika, čim ja dobijem spisak koji sam godinama tražio dobit ćete i vi.

Vijećnik Mustafa Buljubašić, replika – drago mi je da sve one moje sumnje i one moje priče budu potvrđene u izlaganju Načelnika. Svaka mu čast. Penzioneri dragi, omladino draga, odrasli ljudi ja sam ovdje najstariji, su bili i borci i civilna zaštita i teritorijalna odbrana i namjenska proizvodnja i na kraju Armija. Da nas bude sram. Svrstali ste nas s ribarima, s lovcima, crvenim križom i ostalim. To građanstvo treba da zna. Moja najveća greška u životu, gospodine Načelniče je ono što sam uradio u predizbornoj kampanji za prošli mandat. To mi je žao. Ni jedne veće greške u životu nisam napravio sem te. I tražim od vijećnika podršku za udruženje penzionera, koje je sve bilo, samo ga danas nema nigdje. Nije istina da smo mi netransparentno trošili, ja znam da 1/3 nisu članovi Udruženja penzionera i vi ste mogli pomoći i oni prije vas da oni budu članovi, ali dajte za 2/3, nemorate dati za tu 1/3. Ljudi smo, sve se može dogovoriti.

Dopredsjedavajući, molim vas da ovdje koristimo riječnik neuvredljiv, nego onako kako to treba.

Općinski načelnik, - replika to što ste vi pogriješili to je do vas, možda ima i neko drugi ko je pravio grešku, ali o tom potom.

Hoću da se vratim na penzionere, niste me vjerovatno dobro slušali. Pensioneru ne treba šampon i flaša ulja, treba mu novac pa nek on sebi kupi ulje koje hoće ili šampon koji hoće. Ne treba mu paket, treba mu novac, ja vam još jednom kažem kandidujte obratite se Općini za pomoć penzionerima, napišite imenom i prezimenom, Općinska komisija koja je za raspodjelu tih sredstava će i to razmatrati. Sav novac koji je planiran za penzionere u 2018. godini će biti utrošen penzionerima, ali neće ići preko Udruženja. Što god vi izašli i htjeli reći, neće ići preko Udruženja. Prošle godine nije valjalo kako je išlo, ja neću ovdje da govorim zašto nije valjalo, ali ako bude bilo potrebe reću zašto nije valjalo.

Vijećnik Safet Jašić, mene samo interesuje Načelniče, jel mi to ne možemo dobiti odgovor na vijećničko pitanje? Ako možemo, trebali smo ga dobiti i evo nadam se u narednom periodu, ako ne možemo dobiti, onda ima drugi način kako se može doći. Ima Zakon o pristupu informacijama i mislim da je to sasvim korektno da mi dobijemo ono što smo tražili.

Drugo, zar je teško bilo kad je u pitanju odricanje vijećnika od dnevnice ovdje dvije sjednice uzastopno vijećničko pitanje, da se kaže u što smo se odrekli tih sredstava. Jel to teško vijećničko pitanje bilo? Lijepo je zaraditi neki politički poen, evo ja sam to predložio, mi nismo gledali na to, nego smo jednoglasno donijeli odluku da se odričemo, a ja mislim da se treba biti malo korektnije kad je Klub vijećnika SDA u pitanju i kad su u pitanju odgovori na vijećnička pitanja. Neću usmeno odgovor, mi smo tražili pismeno. Bilo je vijećničko pitanje, nismo do sad dobili ni pismeni, ni usmeni odgovor. Tražili smo pismeno, ako je to teško bilo Službama uraditi onda nemamo o čemu, mislim da smo korektni svo vrijeme. Hoćemo saradnju, hoćemo bolje građanima, ali i ovo je normalno što mi tražimo.

Općinski načelnik, ja sam nekoliko puta ovdje rekao kad hoćete da postavite pitanje, izučite pa postavite pitanje. Dakle, vi što ste se odrekli paušala, to je novac koji je i dalje u Budžetu. Vaši paušali su predviđeni, govorite o izvršenju Budžeta, imate tamo stavku, pogledajte koliko je predviđeno za godinu dana, koliko je realizovano za ovih šest mjeseci. Vi ste se odrekli paušala. Odrekli ste se iz korektnih dobrih namjera da rasteretite Budžet Općine iako to nije nikakvo opterećenje za Budžet, ali ste napravili jedan ljudski potez.

Dakle, ono što može, može Služba iz finansija ta sredstva prerasporediti ili rebalansom ili Odlukom. Ja u ovom trenutku neću da ulazim u to da li je Odluka dovoljna da kaže da taj novac ide u izgradnju te i te dionice puta, ali taj novac vam je u Budžetu i taj novac nije potrošen.

Vijećnik Mustafa Buljubašić, sva sredstva u ovoj stavci i sredstva koja smo dobili u prošloj godini, uredno smo imenom i prezimenom opravdali, isplatom listom blagajne koja je prošla kroz računovodstvo koje se vodi. U ovoj godini smo dali preko 120 x po 50,00 KM socijalno ugroženim i bolesnim penzionerima. Mi imamo naše članove o kojima treba brinuti, mi imamo povjereništva, imamo članove UO s terena, to se potpuno javno i transparentno radi. Diže se na blagajni. Ako ima nekih stvari sve mogu obrazložiti šta je to, kako je, zbog čega je itd. Prema tome, sve je javno i transparentno.

Vijećnica Svjetlana Zamboni, ispravka krivog navoda na izlaganje gospodina Jašića – niste vi predložili gospodine Jašiću da se odrekne paušala, niste, a rekli ste da jeste, pa samo da budemo, ja sam predložila, a jednoglasno smo donijeli odluku u Općinskom vijeću.

Vijećnik Nedžad Lokmić, gospođa predsjedavajuća je rekla djelimično ono što sam ja htio, ne radi se o odricanju paušala nego od dnevnice iako se dobro sjećam prijedlog je došao od gospođe Zamboni, nakon čega ste vi tražili pauzu pa tek onda izašli i rekli da se slažete s tim.

Vijećnica Dženita Smajlović, želim da zamolim Načelnika da promijeni ovaj nekorektan pristup prema vijećnicima SDA. Mi smo ispred Kluba vijećnika tražili da nam se dostavi spisak tih jednokratnih pomoći i nemate razloga da prozivate samo Safeta Jašića, mi imamo pravo da zahtijevamo odgovor.

Dopredsjedavajući, zaključujem raspravu i dajem na glasanje

Z A K L J U Č A K

8.1. Usvaja se Izvještaj o izvršenju Budžeta Općine Maglaj za period 01.01.-30.06.2018.godine.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 9 Prijedlog Odluke o davanju saglasnosti KJD Maglaj doo Maglaj na

- a) **Pravilnik o načinu izdavanja i uslovima korištenja povlaštenih parkirališnih karata na javnim parkiralištima na području grada Maglaj;**
- b) **Prijedlog cijena usluga javnih parkirališta na području grada Maglaja;**

Otvaram raspravu

Vijećnica Selma Avdić, želim da iznesem svoj lični stav. Sad smo svi govorili trebamo pomoći građanima, trebamo pomoć mladim ljudima koji su digli kredite, uzeli stanove, a boga mi, mi njima nanemosmo i namete. Parking površine namijenjene za parkiranje vozila stanara u objektima kolektivnog stanovanja. Vinjete za vozila stanara 70% mjesečno, odnosno godišnje karte za navedenu parking zonu. Znači mjesečna parking zona iznosila bi 40,00 KM, ovdje je navedeno za te javne parkinge. Stanari bi trebali plaćati u svojim zgradama 28,00 KM. Mi dobro znamo, odemo u Tuzlu, Sarajevo, Banja Luka, to su veliki centri ni oko jedne zgrade se ne plaća parking. Plaća se samo parking na javnim prostorima. Bilo gdje da odete vi ne plaćate oko privatnih zgrada parking prostore. Parking prostor se samo plaća na javnim površinama koji su određeni. A vi sve nešto govorite hoćete pomoć građanima, pa kako ćete im pomoć kad ih odmažete. Mladi ljudi imaju kredit 500 do 600 maraka, dvoje male djece i nek još plaćaju i parking svaki mjesec 28,00 KM za svoje auto. Ja mislim da je to sramota. Ja kao vijećnik se osjećam ružno i ne bi nikad glasala za to.

Vijećnik Nedžad Lokmić, samo sam htio, žao mi je što je došlo do ovog nesporazuma. U dostavljenom materijalu i poslije člana 10. Imate i član 11, odnosno strana 3 i dalje koji su u stvari Anex II koji i nije usvojen na Vijeću. O tome danas uopće ne treba raspravljati i kao što se priča na ulici po fejsbuku itd. Mi zapravo pričamo samo o prve dvije stranice ovog materijala, a to je Anex I i taj anex je usvojen na Vijeću. Dakle, još jednom ovaj dio iza člana 10. strane 3 i dalje danas i ne trebaju biti tema današnje rasprave. Samo Pravilnik o načinu izdavanja i uslovima korištenja povlaštenih parkirališnih karata na javnim parkiralištima na području grada Maglaj.

Vijećnik Fikret Delić, ja sam uputio jednu inicijativu Službi i na Vijeću sam iznio. Tražio sam da se uvrste borci u besplatan parking prostor. Ponovo tražim da ubacimo borce u besplatan parking prostor. Moj prijedlog i moja inicijativa je da se uvrsti u članu 3. Pravilnika.

Vijećnik Hajrudin Ferić, radi javnosti da pokušamo da razjasnimo nešto što je pokušao gospodin Lokmić i da kažem. Dakle, nije u uvodnom dijelu rečeno da mi danas trebamo da donesemo Pravilnik o cijenama, to su dva različita akta o cijenama i načinima davanja tih tzv. Povlaštenih karti samo za parking prostore kako ih mi zovemo

iz Anexa I, to je onih 5-6 otvorenih parkinga i samo o njima govorimo. Ovaj dio tzv. Anex II o parking prostorima koji se tiču korištenja parking prostora ispred zgrada kolektivnog stanovanja je bio jedan od zaključaka da se to vrati KJD i da ono u saradnji sa Službom dobro razmisli i procijeni i kada oni to utvrde da naknadno utvrde Općinskom vijeću neke svoje kalkulacije i cijene itd. To je s jedne strane učinjeno da se ispoštuje taj od zaključaka, da li da i o tome kao vijećnici počnemo razmišljati. Ja moram sad da repliciram, nije tačno da nema nigdje da se na takvim određenim javnim površinama koje su parking prostor ispred stambeno poslovnih objekata da se naplaćuje i da upravitelj koriste. I to ima i u Sarajevu, Zenici, Bihaću. Koliko ja vidim tamo je određeno 4-5 zgrada gdje bi, ali naravno da o tome danas nećemo ni razgovarati ni glasati, ali nije tačno da to nema nigdje, jer to ima svugdje. Njihova je stvar KJD naravno prije toga sa Službom da oni procjenjuju tehničke i druge uslove kad da uđu u realizaciju tog dijela posla pružanja usluga u takvim uslovima.

Mi danas dajemo saglasnost na Pravilnik i na ove cijene, nadam se da ste dobili također je to bila tehnička greška dobili ste neke stare cijene, stare kalkulacije pa ste naknadno dobili prave cijene prije nekih 4-5 dana i potpisane sa predsjednicom NO i direktorom KJD, da i tu ne bude zabune. Mi o njima danas glasamo i da uputimo jednu poruku građanima, a prije svega da donesemo te Pravilnike da ljudi mogu raditi.

Pauza za mješoviti klub samostalnih vijećnika.

Općinski načelnik, s obzirom da su se širile gradom neprovjerene, netačne ili polutačne. Anex II u ovom trenutku se ne dira i niko ne posmatra. To znači da nema nikakvih naplaćivanja pred zgradama, da nema naplaćivanja stanarima. To je jasno. Naplata na 4 parkinga gradska pobrojani su u Odluci, a svi ostali su besplatno i dalje kao što su i sad.

Što se tiče invalidnih lica po Zakonu o bezbjednosti saobraćaja na cestama BiH, oslobađaju se plaćanja lica koja su invaliditeta ni RVI, ne invalidi rada, nego sva invalidna lica sa 60% tjelesnog oštećenja i više i to sa oštećenjima koja utiču na sposobnost upravljanja vozilom. To vam stoji u Zakonu tako ide i ovaj prijedlog. I još jedan dodatak razmotrili smo i prijedlog vijećnika Fikreta Delića koji se zalaže za demobilisane borce da se oslobode, raspravljali smo i jasno nam je svima da je velika populacija demobilisanih boraca i da najveći dio njih su uposleni i da imaju dobra auta i da mogu platiti parking i plaćaju ga svugdje kad izađu izvan Maglaja. Zadužuje se Služba da izvrši provjeru evidenciju pripadnika demobilisane boračke populacije općine Maglaj koji ne rade 2,3 ili više godina. To Služba neka pripremi u svom prijedlogu, ne radi niko od članova domaćinstva, nemaju primanja da se razmotri da za ta lica nakon evidencije se kako Vijeće odluči ili dodijeli određeni broj karata na godišnjem nivou, da li jednodjelnih ili da im se dodijeli vinjeta s kojom bi bili oslobođeni, ali to znači demobilisani borac vlasnik vozila, ne tečić i amidžić koji vozi njegovo vozilo. Ovo je cilj da se pomogne demobilisanim borcima, odnosno da se oslobode plaćanja parkinga, iz one populacije koja ima teže životne uslove. Ovo će se provjeriti i doće kao dodatak Anexa u naredna dva-tri mjeseca vidjet ćemo, samo 4 parking prostora, ne naplata ispred stambenih objekata, ne svi invalidi, nego invalidna lica kako stoji u Zakonu u bezbjednosti saobraćaja na cestama BiH.

Vijećnik Mirza Bradarić, da budemo u potpunosti precizni, Odluka o utvrđivanju cijene na javnim parkiralištima, kolegice Avdić vi ste ovdje rekli 7 a u ovoj tabeli imate 6. Ovdje je navedeno 6 javnih parking mjesta, međutim od tih 6 javnih parking mjesta dva se neće sad u ovom prvom momentu naplaćivati. Imate stavku gdje piše između Hotela i Viteške ulice, taj parking prostor ne ide sad u ovom momentu na naplatu i imate na drugoj strani gdje stoji ispred Doma kulture uz ulicu S.O.Cara, znači ni taj parking ne ide u prvom krugu na naplatu. Idu samo ova 4 koja su nabrojana za početak. Po Anexu II kojeg mi nismo usvojili a možda će nekad doći na red ispred stambenih objekata nema naplate. Znači stanari neće plaćati parking ispred zgrada.

Vijećnica Selma Avdić, ja sam materijal dobila i ovo je totalno drugi materijal, ja sam zato i iznijela ovako kako jeste. Ja ne bih nikakve nebuloze za ovom govornicom, ono što piše tako i pročitam, ne bi da zamajavam ni javnost ni građane. Meni je žao ukoliko sam ja nešto pogrešno rekla, samo sam pročitala ono što imam u svom materijalu.

Semiz Nalić, načelnik je objasnio lijepo ovaj Zakon znači 60% invalidi i dalje da budu oslobođeni. Ja bih da svi moji RVI ne bi pravio razliku među njima od 20% pa nadalje budu oslobođeni plaćanja parkinga, putem svoje iskaznice koju posjeduju, da budu oslobođeni parking mjesta. Još bi kazao da među nama ima i vijećnika koji su 30,40,50% invalidi pa neka glasaju, ako će oni plaćati. Ja sam izašao striktno radi javnosti da kažem. Ja imam 300 članova invalida koji su od 20-50% invalidi ostali su 60 i dalje. Mene napadaju invalidi 20,30,40, kako ja se ne borim za njih. Da li ćete vi odlučiti da li ćete uvrstiti i ove invalide da budu oslobođeni parkinga na vama je.

Vijećnik Hajrudin Fermić, replika - za ovom kamerom je rečeno nešto što može da izađe u javnost imate težinu i ne stoji, a ta težina je ono mi smo protiv RVI, protiv njihovih prava, nemamo razumijevanja itd. to nije tačno. Govorimo o 4 parking prostora to vam se uporno govori i ovdje moramo biti potpuno jasni. Četiri parking prostora su decidno navedena kompletna općina Maglaj svi ostali parking prostori su slobodni i bez naplate i nemojte da razgovaramo o tome, pređite ulicu imate najmanje 50 slobodnih parking mjesta i neće se tu naplaćivati. Isto tako bilo koje mjesto u Maglaju će biti slobodno mjesto. Nažalost, u ovom trenutku su takvi uslovi KJD da mogu samo 4 parking prostora naplaćivati. Onog momenta kada dođu u situaciju da mogu da šire tu svoju djelatnost, tada ćemo razgovarati o nekim drugim stvarima. Dakle i RVI i demobilisani borci i sve druge kategorije stanovništva uvijek će imati alternativu da pređu na parking prostor koji je potpuno besplatan. Nemojte da budemo djeca i da širimo dezinformacije prema građanima koji mogu to jako teško da razumiju.

Pauza za klub SDA

Vijećnica Edina Jašić, kada smo već spomenuli ova oslobađanja, Klub vijećnika SDA smatra da treba da se oslobode svi pripadnici Armije BiH, svi oni su branili ovu domovinu. Također da se oslobode svi invalidi bez obzira na nivo njihove invalidnosti, kao i penzioneri koji imaju najmanja primanja i da se uvede da se ne planira uopšte naplaćivanje parkinga ispred stambenih zgrada. U protiv Klub vijećnika SDA neće podržati ovaj prijedlog.

Ešref Softić, ovim zadnjim nastupom vezano za Anex II oko naplate oko zgrada, praktično je bespredmetna moja diskusija i ja sam bio u obavezi da ispred stanara sjevernog dijela grada specijalno M-10 pokušam da objasnim vijećnicima kao ljudima koji donose ovakve u ime građana. Mislim da je započeta lijepa aktivnost da se reguliše i uređuje i ova oblast koja je dosta nezgodna, a ovo je pozitivno što će taj Anex II biti na čekanju. Kad smo pročitali, mislim da je bilo prilično nerealno zamišljeno u smislu cijena da iz zgrade ide nas deset i idemo u KJD da se natječemo. Mislim da je ovo dobro da sad miruje Anex II a pozdravio bih želju da se ova oblast na jedan kulturni i stručan način razriješi.

Znači, grad kao takav treba staviti na papir i da se kaže koji parking ima uslove da se proglašava javnim parkingom. Shvatili smo da je to sad ova 4.

Dopredsjedavajući, zaključujem raspravu i dajem na glasanje :

Z A K L J U Č A K

9.1. Donosi se Odluka o davanju saglasnosti KJD Maglaj d.o.o. Maglaj na:

- a) **Pravilnik o načinu izdavanja i uslovima korištenja povlašćenih parkirališnih karata na javnim parkiralištima na području grada Maglaj broj: NO 36/18 od 20.07.2018. godine.**
- b) **Odluku o utvrđivanju cijena usluga na javnim parkiralištima broj: NO 35/18 od 20.07.2018. godine.**
- c) **Saglasnost se odnosi na realizaciju Odluke i Pravilnika za javna parkirališta iz Anexa 1 Odluke o javnim parkiralištima na području grada Maglaja.**
- d) **Zadužuje se Služba koja će nakon provjere stanja demobilisanih boraca na području općine Maglaj sugerisati Općinskom vijeću, odnosno KJD način oslobađanja, odnosno dobijanja povlastica besplatnog korištenja na ovim parking prostorima koje smo utvrdili u Aneksu I za ova 4 parking prostora.**

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Pauza za ručak do 13,50 sati.

AD – 10 Prijedlog Odluke o davanju saglasnosti Općinskom načelniku za raspolaganje građevinskim materijalom od napuštenih, oštećenih i devastiranih kućica iz izbjegličkog naselja na Omerdinom polju;

Otvaram raspravu

Vijećnica Irena Herceg, Klub vijećnika SDP-a izražava zadovoljstvo što se ova Odluka našla na dnevnom redu, jer već duži niz godina ovi objekti predstavljaju problem stanovnicima Omerdinog polja, s obzirom da su postali mjesto sumnjivih okupljanja. Mi ćemo prihvatiti ovu Odluku, uz sugestiju da se u članu 3. Ove Odluke, gdje se govori o ostatku materijala koji se ne može iskoristiti gdje piše moraju se odvesti na gradsku deponiju, doda tekst „uz konsultaciju sa KJD Maglaj“.

Vijećnica Šefka Hasanić, ja bih imala pitanje vezano za naseljenost tog mjesta. Često prolazim u tom pravcu pa se vidi svjetlo u jednoj kućici. Da li je ta osoba zbrinuta koja živi gore i na koji način će se izvršiti njeno zbrinjavanje.

Dopredsjedavajući, zaključujem raspravu i dajem na glasanje

Z A K L J U Č A K

10.1. Donosi se Odluka o davanju saglasnosti Općinskom načelniku za raspolaganje građevinskim materijalom od napuštenih, oštećenih i devastiranih kućica iz izbjegličkog naselja na Omerdinom polju, uz dopunu u članu 3. da se doda „u saradnji sa KJD d.o.o. Maglaj“.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 11 - Prijedlog Odluke o dodjeli javnih priznanja za 2018. godinu;

Vijećnica Svjetlana Zamboni, i nakon isteka roka propisanog Konkursom došlo je još nekoliko prijedloga, što usmenih, što pisanim putem, a svakako imam obavezu obzirom da se radi o jednom od nas da kažem da je u prijedlogu gospodina Saliha Subašića i Edisa Kusura koji su mještani n/m došao prijedlog za nominaciju našeg kolege Bešić Mustafe, kojeg su oni nominirali za jednu od nagrada, priznanja općine Maglaj. Svoje razloge citiram „njegovom nesebičnošću, zalaganjem u radu i kao predsjednika MZ i kao velikog humanistu, da njegov rad i djelovanje kao građanina ove MZ pokazao se nesebičnim za dobrobit i napredak cijele općine Maglaj, a njegove volonterske humanitarne akcije kojima je olakšavao život naših sugrađana na općini su vrijedni svake riječi i pohvale. Riječ je o čovjeku koji svojim zalaganjem za napredak društva u kojem živimo, žrtvuje sebe na tom putu, ali i svoju porodicu“.

Želim da kažem da ova prijava nije pristigla u propisanom roku i ja želim čestitati kolegi Bešiću na nominaciji, ali svakako se nije našla ni u prijedlogu za razmatranje na ovoj sjednici Općinskog vijeća iz nama svima poznatih razloga.

Vama kolega Bešiću svakako čestitam na ovoj zavidnoj nominaciji i vama kao vijećnicima sam dugovala obrazloženje.

Vijećnik Nedžad Lokmić, u svjetlu ovoga ja vjerujem da se ova nominacija odnosila i za priznanje „Počasni građanin“, dakle slažem se sa gospodom predsjedavajućom da je mimo roka, a svakako čestitke gospodinu Bešiću na nominaciji i u svjetlu toga, predložio bih da se dodjela priznanja „Počasni građanin“ ovaj put ne razmatra, a iz niza različitih informacija koje imamo u vezi navedenih prijedloga, neslaganja i različitih mišljenja itd. a svakako se slažem sa ovim da ne bismo unosili zabunu i sa ovim novim prijedlogom.

Predlažem da se nominacija za „Počasni građanin“ danas ne razmatra i da je skinemo i razmatramo za narednu godinu.

Vijećnik Mustafa Bešić, imam potrebu da se obratim ljudima, mještanima Domislice koji su me predložili. To je za mene izuzetna čast isto kao da sam i dobio nagradu. Ovo mi daje još jači vjetar u leđa da se nastavim zalagati i boriti, ne samo za Domislicu, nego i za cijelu općinu Maglaj. Još jednom hvala Domislici i svim ljudima koji su prepoznali moj rad.

Pauza za Klub SDA.

Vijećnik Safet Jašić, čuli smo šta je rečeno oko posljednje nagrade „Počasni građanin“ i vezano za kolegu Mustafu Bešića, mislim da to nisu prave istine iznesene ovdje i što se tiče Kluba vijećnika SDA, mi ćemo biti suzdržani kod glasanja za Odluku o dodjeli javnih priznanja za 2018. godinu i ne želi učestvovati u ovakvom načinu dodjele javnih priznanja, odnosno procedura koje po nama traju predugo i nepotrebno. Klub vijećnika SDA će biti suzdržan po svim prijavama.

Vijećnik Hajrudin Ferić, mislim da nema zaista ni prostora, niti bilo kakvih tendencija ili indicija da se bilo šta gleda iza nečega i da se pokušava radna atmosfera na neki način narušiti.

Zaista je kompletan postupak izbora proveden onako kako je i propisano Odlukom i ja bih samo dodao i takvom procedurom i blagovremeno pokrenuta. Od početka maja pa do današnjeg dana, svi su imali mogućnost i prava prijedloga, komisija je sjedila nekoliko puta, utvrđivali su i provjeravaju kandidature itd. i na kraju krajeva i sa ovim prijedlozima koje je gospodin Lokmić iznio ovdje pokazalo se da je i dobro da imamo dovoljno vremena da se detaljno sve i isprovjerava i iskristališe i čuju različita mišljenja.

Sugerišem, za ubuduće da mi kao predstavnici nekih političkih partija, individualno i predstavnici građana puno više mi učinimo na transparentnosti i podizanju digniteta predlaganja ovih kandidata za dodjelu ovih priznanja, nego što objektivno formalno se od nas očekuje kroz ovu odluku koja je propisala takve postupke. Puno je stvari do nas i ja prvi prihvatam samokritički da se tu može puno više uraditi na ozbiljnosti prijedloga pa da mi ovdje na Vijeću imamo slatke muke kome ćemo dati blagu prednost u odnosu na puno kandidata koji su predloženi i koji zaslužuju biti.

Vijećnik Mustafa Bešić, replika – ja bih zamolio kolegu Jašića da mi kaže šta nije istina. Moje ime je spominjano i želim da kaže šta nije istina. Oko nominacije neću da ulazim.

Vijećnica Šefka Hasanić, imamo dilemu unutar kluba, da li je po odluci za dodjelu priznanja propisano, kad je već završen čitav proces i predložena osoba za „Počasnog građanina“ da li po Odluci se može skinuti. To nam je dilema pa nismo načisto.

Vijećnica Svjetlana Zamboni, trenutno nisam član, mada sam u prošlom sazivu bila član Komisije za dodjelu javnih priznanja i radila sam na doradi postojeće Odluke tadašnje koju smo svi zajedno usvojili. Između ostalog

smo usvojili i prijedlog dodjele „Maglajske lente“ i proširili, razgraničili ako se sjećate kroz diskusije kome se šta dodjeljuje, pa smo odvojili privredne subjekte od ostalih itd.

Vezano za sve prijedloge koji dolaze od Komisija, kao i za sve ostale Komisije. Komisije su tu da se očitaju, prođu kroz materijale i da predlože Općinskom vijeću, a Općinsko vijeće ne mora u konačnici usvojiti prijedlog u konačnici kakav je došao od Komisiji. Komisija predlaže i daje prijedlog, a kako će se očitati Općinsko vijeće, pa niste jednom i vi i mi bili protiv prijedloga Komisije. Prema tome, kao i svaka druga Komisija i ova predlaže Općinskom vijeću, a Općinsko vijeće se očitava o tome.

Dopredsjedavajući OV, zaključujem raspravu i glasat ćemo pojedinačno po svakom prijedlogu predlažem

ZAKLJUČAK

11.1. Donosi se Odluka o dodjeli javnih priznanja za 2018. godinu i to:

- Grb Maglaja - posthumno - Džemil Omerović

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

- Grb Maglaja - Čabrina kafana

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova protiv: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

- Plaketa Maglaja - Dr Azra Mrehić primarijus spec. pedijatrije

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova uzdržani : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

- Maglajska lenta - Faruk Zupčević , novinar

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova uzdržani : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

- Zahvalnica Maglaja - Udruženje Kajak kanu klub „Maglaj“ Maglaj

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 10 glasova uzdržani: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Hasanić Šefka nije prisutna u Sali u vrijeme glasanja.

Općinski načelnik ja bih iskoristio priliku da čestitam svim nominovanim, velika je stvar biti nominovan, naravno i čestitke svima koji su dobili ili će dobiti ova priznanja za Dan općine. Čestitam i vijećniku Bešiću koji je ispao ovdje veliki gospodin svojim potezom.

Izašao sam da kažem nešto drugo. Jedan od dobitnika je i Čabrina kafana. Mi znamo svi kakva je situacija u Starom gradu i da treba puno toga uraditi da se tamo stanje popravi. Ja bih predložio ovom vijeću da uz nagradu koja slijedi Čabrinoj kafani dodijelimo i novčanu nagradu u iznosu od 5.000,00 KM ili iz rezerve budžetske ili sa

neke druge pozicije sa koje je to moguće dodijeliti. To vam predlažem i molim da se očitujete o tome i mislim da bi to bio jedan dobar gest i podrška ovoj stogodišnjoj kafani da se očuva u Starom gradu.

Dopredsjedavajući, dajem na glasanje,

Z A K L J U Č A K

11.2. Da se Čabrinoj kafani, kao dobitniku nagrade Grb Maglaja uz nagradu dodijeli i novčani iznos od 5.000,00 KM.

11.3. Zadužuje se Općinski načelnik da opredijeli iz kojih sredstava će biti isplaćena ova nagrada.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 10 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Hasanić Šefka nije prisutna u Sali u vrijeme glasanja.

AD -12 Prijedlog Odluke o razrješenju članova Upravnog odbora JU „Dječiji vrtić“ Maglaj;

Dopredsjedavajući, nije bilo rasprave, dajem na glasanje

Z A K L J U Č A K

12.1. Donosi se Odluka o razrješenju članova Upravnog odbora JU „Dječiji vrtić“ Maglaj.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 10 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Hasanić Šefka nije prisutna u Sali u vrijeme glasanja.

AD – 13 Prijedlog Odluke o davanju ovlaštenja punomoćniku za zastupanje Općine Maglaj na Skupštini JP „KJD“ d.o.o. Maglaj;

Dopredsjedavajući, mi već imamo jedan od zaključaka u januaru i aprilu mjesecu da zadužujemo Općinskog načelnika da odredi punomoćnika koji će biti na Skupštini KJD D.o.o. Maglaj i da on odmah ako može da kaže ime. Načelnik predlaže Sedinu Bašić, dipl.pravnika.

Nije bilo rasprave dajem na glasanje uz prijedlog Općinskog načelnika

Z A K L J U Č A K

13.1. Donosi se Odluka o davanju ovlaštenja punomoćniku za zastupanje Općine Maglaj na Skupštini JP „KJD“ d.o.o. Maglaj u ličnosti Sedine Bašić, dipl.pravnika.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici .

Glasalo 11 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 14 - Informacija o stanju obrta malog i srednjeg poduzetništva na općini Maglaj;

Vijećnik Hajrudin Fermić, malo bi bilo ružno da informacija koja sadrži 28 stranica prođe samo tek tako da je samo primimo k znanju. Jako je važna oblast u kojoj bismo mi trebali da imamo i tematsku tačku i da puno o tome pričamo i govorimo, a isto tako i da nam se razjasni. Puno imamo pitanja, puno nekakvih dilema i prijedloga.

Puno imamo tačaka, puno tema, puno materijala koji su na jedan direktan ili indirektan način vezani za ovu temu a nemamo selektirani putni pravac, niti imam prije svega pokazatelja o tome, šta, na koji način, kako konkretno i Općina iz svog općinskog budžeta pomaže, posebno obrtnicima, malim i srednjim poduzećima kako i na koji način. Nemamo tih pokazatelja isto tako kao što nemamo ni pokazatelja ni koliko su najprije dobili, a koliko su u mogućnosti obrtnici, mali i srednji poduzetnici da uzimaju da koriste razne grantove na područjima kantona i federacije. Šta je to što eventualno koči taj broj da bude veći, a šta je to što krasi ove koji su na određeni način već dobijali određena grant sredstva pogotovo viših nivoa vlasti. Evo jedan primjer, objavili smo na medijima ko je sve dobio grantove federalnog ministarstva po različitim lotovima, obrt mali i srednji poduzetnici, odnosno zanatlije i obrtnici. I tamo je bio po tom lotu inovatora dva dobitnika tih novčanih sredstava, oni koji pokreću prvi put biznis 5,6 itd., a ono što je frapantno meni, pokazalo se da je najmanje deset takvih firmi obrtnika, privrednih subjekata odbijeno iz formalnih razloga što im je nedostajala neka dokumentacija. O kakvoj se tu dokumentaciji radi, koliko tu općinska administracija njima u pripremi materijala može da pomogne, koliko vam se obraćaju, koliko ne znaju da vi to njima možete učiniti. Volili bi da čujemo o tome. S druge strane, ja bih zaista volio ovdje da čujem šta taj privredni savjet radi da pomogne privrednim subjektima, osim ovo kad dođe smanji taksu, smanji postupke itd. Da vidimo šta u tom savjetodavnom smislu može da uradi, ili da urade ova različita udruženja privrednika. Puno je pobrojano udruženja i poljoprivrednika i privrednih subjekata itd. ali nekako nam se čini da masa finansijskih sredstava i grantova prolazi pored njih a ne dobijaju ih. To je s jedne strane. S druge strane malo prije smo usvojili izvještaj o izvršenju Budžeta za prvih šest mjeseci i svake godine se planira nekih 40.000 KM za poticaje zanatstvu, malom i srednjem poduzetništvu, a nemamo mi baš nekih informacija da li se ta sredstva ulažu kako i na koji način itd. Evo u prvih šest mjeseci nije ništa dato. Ima još pitanja u smislu. To su pitanja svakodnevna. Šta mi kao zajednica možemo da učinimo, administracija, privredni savjet, udruženja itd. šta možemo da učinimo da imamo neke servise koji su potrebni za svakodnevni rad. Mi kao građani, kao predstavnici domaćinstava vrlo teško dođemo do keramičara koji ima registrovan obrt, do vodoinstalatera, do mnogih drugih zanatskih usluga koje pružaju. Volio bih da nam ne prolaze ove tačke dnevnog reda, evo primamo ih k znanju, ipak su se ljudi potrudili da 28 stranica teksta pa makar i statistike uradite i dostavite nama vijećnicima. Zašto su na posljednjem pozivu grant sredstva Federalnog ministarstva njih deset ili petnaest obrtnika odbijeni, samo što piše odbijeni zbog formalnih razloga nepotpune dokumentacije. Da li vam se obraćaju ljudi za pomoć, da li im možete pomoć?

Nermin Bešliagić, ja sam danas u svojstvu zamjene izvjestioca i nisam autor ovog materijala, a kako sam upoznat sa svim ovim činjenicama koje su pobrojane, uglavnom statističkim podacima koji su takvi kakvi jesu i utiču na određene trendove u kretanju poduzetništva, kretanju razvoja malih i srednjih preduzeća u pravcu kretanja obrta. Cjeokupno vidimo tu podatke o kretanju zaposlenosti, o kretanju privrednih subjekata o kretanju broja obrta, prosječne plate, vanjsko trgovinske razmjene čitav niz drugih podataka i nadam se da ste to sve pogledali, pročitali i donijeli svoje zaključke.

Sama pitanja gospodina Fermića, otprilike upućuju na opredjeljenje korištenja općinskih poticaja, to je otprilike i sama politika općinske administracije na koji način raspodijeliti ta sredstva predviđena za poticaj poduzetništva i opredjeljenje je išlo u tom pravcu da ne ide davanje grantova bez pokrića, da to na određen način bude poticaj određenih poslovnih poduhvata, u svakom slučaju pokretanja malih i srednjih preduzeća, forsiranje novih privrednih subjekata, zatim poticaj određenim projektima koji se pokreću, pa finansiranje određenih aktivnosti tih firmi, subjekata, regresiranje kamata na pozitivne kredite i druge stvari, ali ni u kom slučaju ne davanje grantova koji su vrlo često bili bacanje u bunar bez dna u firme koje propadaju, pa dodatno se to na određeni način pokušava gasiti požar, a novac ode uzalud. Što se tiče poticaja kod viših nivoa vlasti kantonalnih, federalnih općinska administracija ima vrlo mali, skoro nikakav uticaj na njihove odluke, na njihove politike, na njihove kriterije odabira tih korisnika. Kad kažete ministarstvo obrta gdje smo imali tu informaciju da otprilike desetina firmi je ispunila te kriterije i koja je dolazila u općinsku administraciju koristila tu pomoć koju pominjete ispunila kriterije, ali jedan od uslova konkursa jeste da su postojala određena sredstva za određene lotove i kad se raspodjele ostali koji, ispunili su uslove ali nemaju pravo da dobiju taj poticaj. S te strane postoji jedan broj stvari na koje se vrlo teško može uticati ili nikako. Vrlo često postoje i određena lobiranja, produktivni rad, ali s te strane, to su stvari i diskreciona prava ministarstava na koje Općina Maglaj uglavnom do sad nije uspjela uticati. Postoji podrška, postoji spremnost, firme dolaze tamo, pruža im se podrška i naravno posljedica jeste sveukupne te neinventivnosti i vitalnosti na području općine Maglaj, gdje mi ne možemo biti zadovoljni, naslijeđeno breme tog monostrukture, privrede da mi imamo potrebu i dalje stvaranje novih poduzetnika, odgajanja novih poduzetnika i vi i mi i svako od nas i ako mi nismo poduzetni, nema poduzetništva. Poduzetništvo su ljudi koji jesu poduzetnici ili nisu i koji će postaviti nekad u budućnosti.

Dopredsjedavajući, zaključujem raspravu i predlažem da:

- Informacija o stanju obrta malog i srednjeg poduzetništva na općini Maglaj, se prima k znanju.

AD – 15 Razmatranje

- a) **Informacije o radu boračkih organizacija za 2017. godinu i Plana rada za 2018. godinu;**
- b) **Izvještaj o utrošku finansijskih sredstava dobivenih iz Budžeta Općine Maglaj za prvih 6 mjeseci 2018. godine;**

Pauza za Klub SDA-a

Vijećnik Edib Delić, Klub vijećnika SDA je principijelno protiv miješanja zakonodavne i izvršne vlasti u rad udruženja, odnosno nevladinog sektora, bez obzira da li se radi o udruženjima iz oblasti sporta, kulture, mladih, humanitarnih organizacija, oblasti boračko-invalidske zaštite i drugih udruženja.

Boračke organizacije su nevladine organizacije koje su slobodnom voljom formirali građani interesno povezani u određenu populaciju RVI, članovi PŠ i PB, demobilisani borci, odnosno bilo koja duga kategorija građana, ribari, lovci, ekolozi itd. i svi su udruženi i formirani sa ciljem da se bore i zastupaju interese svog članstva i njegovanje različitih tekovina i za svoj rad odgovaraju prije svega svom članstvu.

Uz put istine i forme radi, vi ste ovdje nekoliko udruženja svrstali pod boračka udruženja što formalno ne stoji, jer članstvo npr. Antifašista, logoraša ili CŽR se ne može tretirati i nigdje ne tretira kao boračko udruženje, čak im takvo statusno svrstavanje može i štetiti.

Program rada, izvještaj o radu, izbore rukovodstva tih udruženja itd. su u isključivoj nadležnosti skupština odnosno članstva tog udruženja. Ako se dovedemo u situaciju da OV Maglaj u ovoj formi kako predlažete u sazivu dnevnog reda raspravlja o radu boračkih organizacija za 2017. godinu i Plan rada za 2018. godinu to bi bio presedan u BiH i jedinstven slučaj direktnog miješanja vlasti u rad nevladinog sektora.

Podržavamo da nam se dostavi Izvještaj o utrošku sredstava dobivenih iz Budžeta Općine Maglaj za prvih 6 mjeseci 2018.godine i to u formi informacije u smislu praćenja zakonitosti utroška budžetskog novca, iako bi i ovaj dio trebala razmatrati Služba za BiZ Općine Maglaj, koja između ostalog i postoji da koordinira, prati i pomaže rad ovih udruženja i ta naša općinska služba za BiZ ovo Vijeće treba redovno informisati o tome da udruženja rade u skladu sa zakonom ili eventualno ako ima nekih nezakonitih aktivnosti da se na vrijeme poduzmu potrebne mjere da se sve dovede u zakonski okvir.

Druga stvar koju ovdje ističemo novac sa Budžeta se dodjeljuje i nekim drugim udruženjima i pojedincima pa s tim u vezi ako će se već raspravljati na koji način ova udruženja troše budžetski novac tražimo da nam se dostavi jedinstvena informacija o podjeli i utrošku svih budžetskih sredstava koja su dodijeljena na ovakav način u prvih 6 mjeseci 2018.godine i da to tek tada kada svi korisnici budžetskog novca iz nevladinog sektora uključujući i pojedince kojima je dodjeljivan budžetski novac ili kao grant ili kao pomoć budu na jedinstven način uobzireni, tek tada da ovo pitanje razmatramo kao tačku dnevnog reda.

Smatramo da se OV Maglaj ne treba na ovaj način baviti čime i šta rade udruženja, da udruženja ne trebaju nama dostavljati izvještaje i planove o svom radu, već da za OV služba za BiZ treba pripremiti informaciju sa slijedećim sadržajem: Šta su udruženja tražila od Općine Maglaj vezano za svoje programske aktivnosti, šta su tražili za svoje članstvo, šta im je odobreno i šta eventualno nije, zatim šta je Općina konkretno pomogla i po kojim kriterijima članstvu ovih boračkih udruženja, kakva je socioekonomska situacija boračke populacije uopšte i slična pitanja.

Pisane informacije po svim ovim pitanjima treba da sačini Služba za BiZ Općine Maglaj i samo takve informacije, a nikako izvještaji i planovi rada udruženja trebaju biti tema rasprave OV, a izvjestilac treba da bude rukovodilac te službe.

Nakon svega ovoga stav Kluba SDA je da ćemo mi biti uzdržani.

Pauza za Klub SDP-a

Vijećnik Nedžad Lokmić, gospodin Delić je s pravom iznio neke primjedbe i svjesni smo svi toga da su i boračka udruženja nevladina udruženja, a podsjetit ću da je i u Programu rada Vijeća za svaku godinu pa i ovu imamo analizu, odnosno izvještaj rada nevladinih udruženja, informaciju kroz izvještaj o utrošku sredstava, dakle, barem informaciju. Naravno zbog obimnosti materijala nerealno bi bilo da danas imamo još deset udruženja. Očekujemo da će na jednoj od narednih sjednica Općinskog vijeća doći i informacije o radu ostalih udruženja koja je gospodin Delić nabrojao, a glede ovih informacija, odnosno izvještaja kasnije ćemo iznijeti stavove.

Vijećnik Hajrudin Fermić, nije replika, dio je mog izlaganja. Ispred Kluba SDA iznio je dosta nekih stavova koji su mi kontradiktorni sa stavovima koji su izneseni tamo nekad u decembru ili januaru mjesecu, a kad smo razgovarali o ovoj istoj tački dnevnog reda mi smo koliko se sjećam a sjećate se svi i kad smo utvrđivali Program rada OV, dosta vremena potrošili da utvrdimo na dnevnom redu i u Programu rada OV budu između ostalog informacije o radu, ne samo boračkih udruženja, nego kako je gospodin Lokmić rekao informacije i ostalog civilnog i nevladinog sektora, pa i informacije o radu MZ, informacije o mnogim drugim o sportu, kulturi itd. i ja se nadam da će one doći na dnevni red. Došle su ove informacije i ono što ja moram da primijetim i da pohvalim ova udruženja, barem po datumima kako su tamo poslagana da su ona blagovremena i informacije sačinjene, a i izvještaji da su sačinjeni. Ono što je jako važno, šta je replika gospodinu Deliću da mi ne možemo i ne smijemo gledati ova udruženja iz tog perioda 92-95, isto kao što gledamo planinare, lovce, ekoloze itd. iz nekoliko razloga. Prvi je značaj ciljeva za koje su oni registrovani, njegovanje tradicije, baštine, onog zbog čega su tu, a što je naravno opći javni interes. Drugi razloga je planinar ili lovac to je čisto hobi, tako su i po Zakonu o udruženjima građana tako i postoje te selekcije hobi, razne vrste i prema tome i nisu u tom smislu u istom košu. Drugi razloga

zašto nisu u istom je i zbog toga što boračka udruženja imaju redovne finansijske tranše iz općinskog budžeta bez obzira koliko one bile redovne, neredovne, male ili velike. Imaju redovne, redovno se planiraju i izvršavaju finansijske obaveze prema tim udruženjima za razliku od planinara, ribara, lovaca i dr. Koji i nema te redovne tranše, nego pretpostavljam po izvještajima kad realizuju ili kad planiraju neki projekat traže sredstva, odobre im se ili ne odobre itd.

Dakle, nisu u istom košu i zbog toga se ne slažem s vama.

Treća stvar zbog čega sam izašao ovdje je da sam ja mislio više da mi govorimo zapravo o namjeni, o cilju, o suštini djelovanja tih organizacija, jer odmah da kažem da ćemo uputiti primjedbu zašto nemamo izvještaja o utrošku sredstava i šeherske HVIDRE. Ja nisam to dobio ako vičete da ima tamo u izvještaju, onda se izvinjavam. Mi treba da vidimo šta je u tim sredstvima počev od SUBNOR-a, JOB-a šehidskih, pa RVI, šta je i koliko sredstava dobijeno i u šta su uložene. Ako ćemo govoriti, a zaista ste kvalitetno i precizno prikazali u marku i ja to pohvaljujem, mi dobijemo pred sobom da su one smisao same sebi. Da je smisao da tamo postoji boračko udruženje u kojem osoba ima 360,00 KM naknadu, koja plati 60,00 KM za gorivo, 20,00 KM za struju, 6,00 KM i kad se to sve poklopi bez godišnjeg obračuna doćemo na onu cifru od 9.000,00 KM na godišnjem nivou koliko je i predviđeno Budžetom.

Šta smo mi kao Vijeće, šta je izvršna vlast, šta su ljudi, građani, pripadnici te kategorije za koje je formiran, šta oni konkretno imaju kroz tu svoju djelatnost tog udruženja. Gdje smo tu mi, šta je naš zadatak, šta je zadatak tog udruženja. Da kad je neki bitan datum da se pojedinim područjima, pojedinim selekcijama uzme što je bila priča za penzionere uzme neki paket i obiđe šehidska porodica, obiđe RVI, pomogne mu se u apliciranju određenog projekta, zapošljavanje, samozapošljavanje itd. ja to u ovim izvještajima nisam vidio. Zbog toga i opominjem, to je dobra osnova da mi malo raspravljamo o tome, ali ne može me niko pobiti da je ovih 900,00 KM mjesečno, dobija se samo isključivo za finansiranje osobe koja ima naknadu, auto, gorivo, struja, smeće, komunalije itd. niko tu ništa ne dobija. Ja želim da na jedan normalan, racionalan način vidimo, to nisu ni mala sredstva, ali nije ni to šta je opći interes zadovoljen. Ko treba da zadovolji opći interes u oblasti obilježavanja zaštite interesa boračke organizacije, a u isto vrijeme i građani, odnosno mladi ljudi da znaju šta nam je tradicija, koje su vrijednosti, tekovine i sve ostalo i da to radimo.

Predlažem, mi ćemo primiti ovu informaciju k znanju, ovaj izvještaj takav kakav jest, ja ću ga prihvatiti oni su korektni, ali ćemo predložiti taj zaključak, da ubuduće prilikom izrade Budžeta Općine za 2019. godinu na bilo koji način, bilo kako se osigura da ova boračka udruženja koja egzistiraju i postoje moraju da apliciraju za realizaciju projekata koji su od opšteg interesa, odnosno od interesa za ove kategorije i za ove vrijednosti i tradicije zbog kojih su i postavljeni, odnosno zbog kojih ste i registrovani. To su od prilike neke osnove i razlozi za razmišljanje da razbijemo neku politizaciju. Hajmo da konačno napravimo iskorak od 2019. godine kada je u pitanju i rad i finansiranje tih boračkih udruženja.

Vijećnik Edib Delić, ja hoću samo da podsjetim na neke stvari koje smo mi u Klubu SDA zastupali od prvog dana kada je u pitanju ova tematika oko boračkih udruženja. Vi znate da smo mi bili protiv ovih stvari i danas stojimo na tom fonu. Ono što se mi ne slažemo, jeste da ne stvara obavezu Vijeće da usvaja izvještaj ili ne znam šta i za to postoji Služba u Općini koja je nadležna za rad tih udruženja, koordinaciju, rješavanje problematike i svega ostalog. Mi možemo od Službe dobiti kroz informaciju, ne samo boračka udruženja nego i sva ostala. Udruženje je udruženje, ono je pravni subjekt, registrovano u Ministarstvu pravosuđa ima svoju dokumentaciju, svoj Statut, svoje ciljeve i ono kao takvo funkcionise i postoji. Ako je ono naslonjeno na finansiranje s nekog nivoa, normalno da ova sredstva su minimalna i ona isključivo služe za opstojnost i samo najosnovnije, najminimalnije troškove tog udruženja. Naravno da ima raznih vidova finansiranja, savremeno je doba 21 vijek i naravno da će udruženja tražiti kroz apliciranje, a to i rade da pomognu svom članstvu i svojim članovima oko toga. Ima i drugih načina, neka na osnovu članarine se finansiraju. Daj bože da je Općina u mogućnosti da odobri više sredstava. Mi ovdje ne bi trebalo Vijeće da se bavi problematikom i svim ovim. Udruženja su i do sad dostavljala izvještaje svaki budžetski novac koji su dobili, oni su to kvalitetno opravdali. I do sad su to tako radili, samo što smo mi ovdje donijeli odluku da to nama dođe. Nema potrebe treba dati, ima nadležna Služba neka dobije neka radi svoj posao. Daleko veće stvari i dajemo u nadležnost tamo nekom da rješava umjesto da vijeće donosi odluke, daleko krupnije. Nemojte misliti da imamo išta protiv bilo kojeg udruženja, ali dajte pustite slobodu udruženjima, imaju svoja zakonodavna tijela, imaju svoje skupštine neka odgovaraju njima. Budžetska sredstva nek pravdaju nadležnoj općinskoj Službi i završena priča. Mi možemo dobiti polugodišnji ili godišnju informaciju o stanju i utrošku tih sredstava i to je to, a ne da mi odlučujemo ovdje o nekim stvarima koja su bila ili nisu bitna.

Vijećnik Fikret Delić, ja znam da vi podržavate boračka udruženja, da li je i jedan borac vidio marku od tih njihovih 9.000 KM, ni jedan. Oni prvi put izvještaj, ja ne znam pitao sam na Vijeće prvi put dolazi izvještaj na Vijeće boračkih udruženja, a ja se nadam da će biti i posljednji. Što kaže gospodin Fermić, najbolje projekat i finansiraj projekte. Ništa nema protiv finansiranja, ali neka ih finansiraju one stranke iz svog budžeta i neka njima odgovaraju. Imam kritiku na Načelnika i na Vijeće. To sam malo prije i kad je bila pauza sve mu rekao da je greška napravljena kad smo Budžet izglasali i svi znate da je trebalo formirati komisiju da se ne plaća kancelarija, da se ne plaća topli obrok, mene bi bilo stid uzeti topli obrok kada imam bilo kakva primanja. Bojo bih se Boga, da me neće kazniti. Ovdje kad pogledamo mogao sam ovdje donijeti papira, kad pogledam ovdje su borci neki

dobili jednokratnu novčanu pomoć od nekih 700,00 KM, ostali sve su dobili oni u kancelariji, da je to kontra, ja bih s ljudske strane sve to podržao. Znači radiš za sebe u interesu sebe i samo u svoju korist. Građani općine Maglaj treba da znaju i ubuduće će znati do sada je to tajna bila, da ova boračka udruženja rade samo u interesu sebe. Ko hoće da se oni finansiraju, na budžet stranke i koja ih stranka podržava imaju svoj budžet bilo koja, ali ova sredstva uzeti za kancelariju i za tamo neke tople obroke i prezentaciju 200,00 KM, pa mene bi bilo stid ovdje sjediti, a kamo li proći kroz Maglaj. Žalosno je, ali je sve istinito. Ja sam jedne prilike prije Budžeta imao podatke da su boračka udruženja 1600 u Federaciji, potrošili toliko para da smo mogli napraviti stotinu fabrika, samo u Maglaju, to moraju znati. U Maglaju se mogla napraviti fabrika boračka i svi borci biti zaposleni. Znači svi računati. Oni predstavljaju borce, RVI, to treba da se zna. Ja obilazim često i šehidske porodice i borce i invalide, znam da nemaju niko koristi samo imaju pojedinci. Niko, imam pravo da govorim ovo su sredstva ovo je sve istina i nemojte bježati od istine, mi smo fabriku mogli imati ovdje. Ja borit ću se za borce, a ne za pojedince, jer vi imate samo koristi pojedinci od ovog Budžeta 50-60,000 KM. Kritika Načelniku, ali ovo je izvještaj za prvih 6 mjeseci, radi Načelnika i radi nas podržat ćemo ovaj izvještaj, a slijedećih šest mjeseci budite sigurni da neću podržati. Nećete marke više dobiti bez projekata.

Vijećnik Mustafa Buljubašić, ove tri diskusije koje su sad bile toliko su mi dale snage jer su svi govorili u moju korist. Sve ono što sam ja pričao oni su rekli samo drugim putem. Ponosan sam da udruženje penzionera živi od članarine i još sam ponosniji da 80% tih sredstava svaki mjesec ide direktno penzionerima. Ni jedan član nije umro da nisu dobili 200,00 KM i paket. Ni jedan bolesnik koje su prijavili naši povjerenici sa terena nije bilo da nije dobio pomoć za lijekove itd. Nemam obroka, nemamo regresa, nemamo putne karte, imamo najmanje plate. Hvala vam na podršci. Pomozite starijim ljudima blizu ste svi vi toga.

Vijećnik Nedžad Lokmić, ako ste pogledali prvi list u ovom materijalu glede ove tačke, tamo stoji lijepo Služba Općinskog načelnika i Općinskog vijeća, u potpisu malo čudna titula Savjetnik općinskog načelnika za poslove boračko invalidsku i socijalnu zaštitu dajte da se to ispravi malo je suvišno ovo „poslovi“, tu stoji da ona šalje Općinskom vijeću ove materijale. Donekle u sklopu onoga što ste vi tražili. Ako ste precizno pročitali materijale radi se o dva dijela ove tačke. Radi se o Izvještaj o radu za 2017. i Plan rada za 2018. godinu, odnosno Informacija o radu, a Izvještaj znamo kome oni šalju. Drugi dio je Izvještaj o finansiranju i utrošku finansijskih sredstava dobijenih iz Budžeta.

Materijala je došlo puno, ni jedan materijal nije kompletan već u prvom dijelu vidimo da imamo informacije za prošlu godinu od 6 udruženja, a izvještaje o trošenju para 8 udruženja, tu su još i HVIDRA.

Plan za 2018. godinu je onakav kakav je uvijek bio često tu ima sistem copy pejs radi se ono što se planira i to je u biti i korektno. Ja mogu jedino uputitći čestitke udruženjima kad uspejavaju da sve to mogu uraditi i sa ovo malo para sa kojim raspolažu.

Međutim, kad pogledamo tamo iz Udruženja antifašista, tamo su čak pomenuli i saziv druge skupštine, iz šehidske organizacije čak su poslali i bilans stanja, druga udruženja obrasce 10 23, dakle, šaroliko i vjerujte da nisam uspio dokučiti da li je taj plan finansijskih sredstava kompletan kod svi i je li uredan. Drago mi je čuti i vidjeti da tamo kod gospodina Hajdića u JOB-u imaju nešto viška sredstava. U Udruženju RVI odrađeno i detaljan izvještaj kad se tiče čak planova, problema koje su imali i nažalost podatak koji me frapirao nisam znao da je od rata 72 RVI umrlo, ima i tužnih, ružnih informacija ali da se vratim na finansije.

Da bismo svima nama pomogli, ja ću pitati šeficu Službe, da li su ovi izvještaji uredni, jesu li opravdana sva sredstva kod svih udruženja i možemo li im dati zeleno svjetlo. Mi smo u Klubu SDP-a raspravljali o tome u biti ćemo podržati ovaj izvještaj, ali da i od vas zvanično čujemo kao nekoga ko koordinira tim udruženjima, jednostavno pitanje jesu li izvještaji urađeni kako treba, je li svaka marka opravdana i možemo li im ukazati to povjerenje.

Vijećnik Safet Jašić, drago mi je da ima dobrih diskusija i idu baš u onom pravcu u kojem treba da idu. Meni je žao ako neko ne zna da su boračka udruženja redovno podnosila izvještaj Službi za BiZ. Ovdje što je se promijenio promijenio se samo šef Službe i ništa drugo. I meni je drago da je gospodin Lokmić diskutovao u ovom pravcu i da je realno ovo o čemu govorimo, jer ne bi danas imali ovih žučnih rasprava i diskusija da je to išlo kao i dosadašnjem periodu. Sva udruženja u proteklim godinama su podnosila izvještaj Službi za BiZ, kao i mjesne zajednice i sva ostala sportska i sva druga udruženja. Ovo i jest suština rasprave gospodina Delića da se u tom pravcu ide, jer je tako i ranije bilo. Mislim da je to bilo dobro. Šef Službe izađe i kaže ok, ovo je udruženje dobro uradilo ovo nije i to je to.

Mi ovdje ne govorimo o pojedincima, mi govorimo o udruženjima, meni je žao ako neko ne shvata da su ova udruženja od državnog interesa. Nama ljudi hoće da ponište i da kažu da u Srebrenici nije bilo ono što je bilo. Ova udruženja su od državnog interesa i niko nema pravo da kaže finansirat će se dovde, poslije ovoga neće. Ni ja ni bilo ko drugi, Budžet je vlasništvo sviju nas i udruženja treba da rade svoj posao čestito i uredno i imat će podršku našu. Samo se vratimo na onako kako je bilo i bit će ok, nećemo imati ovako žučnih diskusija.

Vijećnik Hajrudin Fermić, tražim pojašnjenje od gospodina Jašića ili Službe ili od predstavnika boračkih. Državni interes kako vi pomenute i ja sam ga u svom izlaganju pomenio da su od opšteg interesa i volio bih da nam oni pojasne, da nam definišu. Šta je taj državni interes i kako ga oni štite i zbog čega i koji je to način kako oni rade radi državnog interesa i zbog čega su oni državni interes? Volio bih da pojasnite. Problem i jest u tome što

ja nisam pročitao da su oni ovako kako je napisano da oni nešto štite državni, interes, javni, ničim osim što kako rekoše što dobijaju određena sredstva za osobu jednu ili tri unutar. Ako je to državni interes, onda nemojte da obmanjujemo javnost, to nije državni interes. Ako ima nekih aktivnosti, a ja vjerujem da ima pa logično je da oni kažu šta i na koji način se radi da oni ostvare državni interes. Samo postojanje tih udruženja nije državni interes. Konstatuje se da su vijećnici Dženita Smajlović i Nedžad Alispahić, napustili sjednicu Općinskog vijeća u 15,50 sati, tako da općinsko vijeće radi sa 22 vijećnika.

Eldina Mehinagić, ja ću odgovoriti na pitanja koja sam dobila od gospodina Lokmića:

Da li su ova udruženja za koja smo danas dostavili Izvještaj o utrošku finansijskih sredstava za prvih šest mjeseci ove godine, da li su ona sva dokumentovana, da li su opravdala ovaj utrošak sredstava koja su dobili?

Mi smo dobili sve materijale, nismo vam sve uplatnice kopirali, to bi bio veliki materijal, sva ova udruženja za koja ste vi dobili materijal i izvještaj i informacije oni su dokumentovali utrošak finansijskih sredstava koja su dobili od strane Općine Maglaj. Ona su njih na neki način opravdali sa svim tim uplatnicama, izvještajima, odlukama koje imaju. Oni su dokumentovali utrošak tih finansijskih sredstava.

Fatima Mahmutagić, pošto već po ne znam koji put raspravljamo o radu ovih boračkih organizacija, ne mogu da shvatim da se stalno ponavlja jedno te isto, da nekim ljudima u uši ne uđu određeni podaci i određene stvari koje dobiju napismeno. Prije svega, boračke organizacije su pravna lica. Boračke organizacije moraju raditi u skladu sa Zakonom i nastavit će da rade bez obzira da li se to nekom sviđa ili ne sviđa. Poreze i doprinose mi ćemo i dalje plaćati. Znači, to je nešto što vraćamo državi u odnosu na ono što nam Budžet odobrava. Umanjili ste nam tranšu, nije problem, mi se i sa tim snalazimo, ali vam dostavljamo podatke šta u koje svrhe i koliko trošimo. Našu članarinu, koju naše članstvo daje nama nemojte tražiti da podnosimo izvještaj vama ni jednom od vas, taj izvještaj podnosimo Skupštini naših organizacija. O tome mogu da raspravljaju samo naše Skupštine.

Što se tiče aktivnosti koje provode ove organizacije voljela bih da neki znaju šta se sve radi, a imali su materijal na stolu ispred sebe. Ako kažemo da ova organizacija redovno provodi manifestaciju Dan šehida i na taj način čuva uspomenu na šehide i na tekovine rata 92-95. godina, da svake godine obilježavamo manifestaciju „Igman“, gdje se okupi masa boraca iz cijele FBiH, da Srebrenicu idemo dva do tri puta u godini. Zar zaista ne dokazujemo na taj način da mi čuvamo tekovine rata 92-95.godina. Ako smo uradili knjigu monografija, ako smo postavili sve, nišani koji su svjedoci svega onoga što se dešavalo, zaboga milog šta još treba da uradimo da bi nekome dokazali da mi imamo posla i da radimo.

Što se tiče zakonitosti u radu, rekla sam bilo da imamo finansiranje iz ovog budžeta ili nam ga uskratite mi ćemo i dalje raditi po Zakonu o radu i Zakonu o udruženjima, gdje je moguće na način da budete profesionalno uposleni ili da radite po ugovoru o djelu. I u dosadašnjim godinama dostavljali smo naše izvještaje, znali su biti ocijenjeni odličnim, očekivali smo i ovaj put da uz ovo ide informacija iz Službe, šefica je nova i ovo je sve trebalo da bude objedinjeno. Informacija Službe kao što to radi, a zna to i naš gospodin Lokmić koji je bio ministar, na koji način to radi Ministarstvo. Ja očekujem od Službe da ona to uradi na isti način. Objedini sve naše izvještaje, obrazloži i kaže koje smo aktivnosti provodili, šta smo radili, koliko smo sredstava dobili, koliko smo potrošili, zašto nam sredstva nisu data, jer možda nije bilo finansijskih mogućnosti da nam se ispune uvjeti. Projekte mi provodimo i projekte posebno pravdamo u odnosu sredstva za rad. Pravdamo onoliko koliko to nam budžet da.

Za informaciju gospodinu Deliću, komisija postoji, komisija radi i imala je već dvije sjednice koju je formirao Načelnik i očekujemo u toku ove sedmice i slijedeći sastanak a radi dodjele sredstava, a prije toga analize dostavljenih izvještaja o utrošku sredstava za šest mjeseci ove godine.

Kad kažete udruženja, neko je ovdje spomenuo, drago mi je gospodine Delić toga sam se sjetila i hvala vama na svemu onome što kažete i do sad smo mi imali podršku od vas. Mene malo ova strana gdje smo imali podršku zaista da ove godine od kako su počeli protesti demobilisanih boraca gdje mi ne možemo uticati na donošenje Zakona o pravima imamo ovakva nekakva posmatranja ovih organizacija kao da ne daju doprinos i ne njeguju tekovine rata. Mi smo tu i dok mi postojimo i prenositi ćemo to na našu djecu njegovati će i oni i ostati će uvijek neko ko će se sjećati i ko će to pratiti.

Nisu sva udruženja boračke organizacije, temeljne boračke organizacije koje su proglašene posebnim od državnog interesa. U Maglaju su Jedinствена organizacija boraca koja je najbrojnija. Organizacija RVI, Organizacija porodica šehida i Organizacija dobitnika najvećih ratnih priznanja, pored toga imamo H-a komponentu gdje je u jednoj organizaciji objedinjeno sve ovo jer ih je brojno vrlo malo u odnosu na Armiju BiH. A znamo i zbog čega. Molim vas ove organizacije kad već govorite o boračkim, ove organizacije izdvojite i mi ćemo to i tražiti u Budžetu za slijedeću godinu da budu temeljne boračke organizacije posebno tretirane. Ostale organizacije koje su civilne ili organizacije od ranije da budu ispod ovih organizacija, a onda sva ostala udruženja. Ako već hoćete izvještaj, nije nam jasno zaista rat, onakav kakav je vođen zbog čega i zašto ovolika analiza i pritisak konkretno na ova udruženja. Zbog čega? Ima i ostalih udruženja koji dobijaju sredstva za rad i koji rade i na koje se ne vrši ovakav pritisak. Napominjem još jedanput, ova organizacija će raditi po zakonu, imamo uposlenog demobilisanog borca, samohranu majku i ona radi po Zakonu o radu, profesionalno uposlena, na nju se plaćaju svi oni porezi i doprinosi koji slijedu iz zakona. Imamo ostale, naša izdvajanja, imamo jednokratne pomoći, imamo projekte koje sami finansiramo iz sredstava članarine. Imamo podjele kurbana, imamo odlaske na neke od naših destinacija gdje idemo da bi ovjekovečili neke od bitaka, ali ako nam nije potrebna pomoć iz Budžeta pa mi nećemo tražiti pomoć

iz Budžeta. Ne moramo svaki put tražiti iz Budžeta, nešto ćemo finansirati iz naših sredstava, ali to podnosimo izvještaj našim skupštinama. Molim vas, nemojte dozvoliti da ovo što se uradilo sa Zakonom o pravima demobilisanih boraca koji je debelo ispolitiziran da prenesete na organizacije koje postoje i rade dugi niz godina i opravdale su svoje postojanje i svoj rad aktivnostima koje su u međuvremenu provodile.

Vijećnik Fikret Delić, replika – nisam mislio izlaziti, ali gospođa je Fatima spomenula temeljna udruženja. Ja smatram da su ta temeljna koja pojedinci traže, guraju da se uvrste u zakon, znači samo iz ličnih interesa. Smatram da su temeljna ta ista udruženja najveći neprijatelj za federaciju, kanton i općinu. To ja smatram, to je moje mišljenje. Sanjao sam borca koji je poginuo na mom ramenu i kaže mi borite se, moje dijete je nezaposleno, najbolje godine ima nezaposlen. Zato se trebate boriti, a ne za budžet, ovo je samo vaš cilj od federacije da se zakon donese za temeljna ta udruženja od posebno značaja. Zašto ne bi bilo jedno boračko udruženje u Maglaju, jedno boračko udruženje u kantonu, neće nikom ne odgovara, vama odgovara da se vi finansirate. Zašto ne pričate o boračkim zadrugama, zašto ne kažete kome se pare izdvajaju, kome se pare daje. Vi boračka udruženja se trebate za to boriti i kad se budete za to borili i pričali ko ja, kad budu se bojali vas iz udruženja političari, dok oni vas fale znači da ne vrijedite. Trebaju vas kritikovati, kad vas budu kritikovali, bit će bolje, Bosna će krenut napred. Zato i kažem da ste najveći krivci za ovo stanje boračka udruženja u FBiH, kantonu i općini, vi ste najveći krivci za stanje boraca i boračke populacije.

Fatima Mahmutagić, replika – kad govorimo o 1600 udruženja, jako lijepo nek se spominje broj i neka neko zna koliko ih ima. Međutim, ja ću reći u ime Organizacije porodica šehida. Organizacija porodica šehida formirana je u svakoj općini u Federaciji. Jedna na nivou kantona i jedna na nivou Federacije. Znači nas nema podijeljenih u više organizacija, drugačijih naziva porodice šehida su samo jedna. Ako imamo oko 80 općina u Federaciji sami izračunajte. Što se tiče ovoga zapošljavanje djece, jesam li na jednoj od prethodnih sjednica molila i tražila da mi neko pomogne na koji način da riješimo problem sa djecom šehida koja rade na crno. Rade kod ljudi na crno jer neće da ih osiguraju neće da uzmu sredstva koja su u korištenju već drugu godinu preko Biroa za zapošljavanje. Za djecu VSS to je 7.200,00 KM. Za djecu srednja škola šest mjeseci po 603.600 KM. Osim toga imamo mi i zapošljavanje preko Ministarstva zapošljavanje i naša djeca se zapošljavaju. Od prilike u Maglaju što se tiče Maglaja, oko 35 djece je ostalo još nezaposlenih. Što god smo im ponudili, imaju želje da se bave privatnim biznisom, da dobiju do 10.000 KM tog projekta još uvijek nemamo i imamo želje „Natron-Hayat“ mi ne možemo otvoriti vrata „Natron-Hayat“ i gore djecu uvesti, nemamo mogućnosti da sklopimo takav dogovor. Djeca se zapošljavaju samo 30 i nešto nezaposlenih.

Vijećnik Mirza Bradarić, replika – ovo je jedina tačka dnevnog reda o kojoj ja puno ne znam. Jedan od razloga je taj što moje godine su takve kakve jesu da ja ne pripadam ni jednoj boračkoj organizaciji, ni temeljnoj ni primarnoj. Ovo što je kolega Delić govorio, on je to govorio konkretno. Ovo zadnje govorio je u svoje lično ime, nije govorio ni u ime moje, ni u ime mnogih mojih kolega. To je njegov bio lični stav. Ja se neću u to puno miješati. Gospođa Mahmutagić je rekla da su borci izmanipulisani sad ovim nekim novim Zakonom. Jesu i zna se ko to ministarstvo vodi i od koga su izmanipulisani. Malo je jeste ovo malo pogodilo, kada kažete da vas je ova strana podržavala i da vas sad iznenađuje ova strana, ja sam podržavao rad svakog konkretnog i korektnog društva do sad, podržavat ću i ubuduće. To je moj lični stav i mene niko neće natjerat, ja ću glasat onako kako mislim da treba, a mislim da ćemo svi mi ići u korist onoga što jest najbolje i za vijeće i za Budžet i za sva ostala udruženja i njihove članove. Ne znam šta sam ja kod vas, kad pokazujete na ovu stranu. Na ovoj strani ja sjedim. Sta ja vas to konkretno iznenađujem kada od mene niste čuli po pitanju ove stvari ni jednu konkretnu riječ i ne znate uopšte koji će biti ni ishod ni glasanja, ni kako ću ja glasat itd. Ono što je bilo za mene logično, slušam tu priču, mi pričamo dvije stvari. Jedna je stvar informacija o radu udruženja i u augustu mjesecu u planu rada. Ali pričamo o informaciji, ja tu informaciju nemam namjeru da usvajam, jer znao sam da Skupština tog udruženja usvaja taj izvještaj. Mi ćemo informaciju ili primit k znanju ili je nećemo nikako primit. I to je jasna stvar, ali ne vidim zašto, šta je problem u tome ako kolega Ferić kaže šta je svrha, mi ćemo doći opet tamo u decembru mjesecu da usvajamo Budžet. Doćemo u situaciju da opet nekih 50.000 i nešto hiljada KM trebamo dati za udruženja, možda će to biti i više, ne znam ne mogu prejudicirati. Ali me sad iznenađuje niste čuli od mene i mojih kolega ništa koji nisu htjeli raspravljati o ovome. Ja nisam bio učesnik ovog rata, ali imam u svojoj kući čovjeka koji je demobilisani borac i ranjen je u ratu itd. Znam iz njegovih priča šta se dešavalo. Moje godine su takve da nisam učestvovao i neću da se puno miješam sad u ovo, ali me zaboli kada kažete da vas ova strana iznenađuje.

Fatima Mahmutagić, kad sam rekla ova strana molim vas nemojte se nalaziti u tome, vi koji ste uvijek bili na našoj strani. Na ovoj strani sjede gospodin Delić i gospodin Bešić sa kojim imamo sukob od kada su krenuli protesti demobilisanih boraca.

Vijećnik Mustafa Bešić, istina je što gospođa Fatima iznijela unazad dvije godine, što se dešava kod demobilisanih boraca, RVI, koji nisu koji nemaju velika primanja do 50%, istina je. Pa mi ovdje ne pričamo o pojedincima, ja ovdje ne pričam od gospodinu mom predsjedniku, ja pričam o suštini problema demobilisanih boraca i nemojte se nalaziti vi pojedinci u ovom problemu. Problem u Federaciji, tražimo da vi budete jedna karika, udaljili ste se od boraca. Znači ne radite ono što bi trebalo da radite. Trebate izaći tamo pomoć ljudima, nemojte se s nama prepirati, izađite dajte ljudima podršku. Sve je politički kod nas u BiH. Svi ste bili pozvani kod mene na otvorenje spomen česme u Domisluci. Jedino ste vi Fatima došli. Zbog zato što Bešić gore, neću ja doći, a otiđu

u Čobe, u Kopice a neće u Domislucu. Pozivnica je otišla svima. Što se tiče za borce, trebate se približiti onome zašto ste Udruženje demobilisanih boraca. Mi tražimo da se pomogne borcima. Mora im se pomoć, to je svrha toga što smo mi promijenili mišljenje. Ja vas hoću da natjeram da radite za ono što ste izabrani. Protiv vas privatno nemam ništa.

Vahdet Hajdić, ovdje se digla nekakava halabuka. Izvinjavam se što prozivam gospodina Delića. Ne radi se ovdje ni o kakvih 50-60 hiljada KM, ova boračka udruženja troše 27.000 KM, ako ih dobiju u toku godine. To je pola od toga što si ti iznio.

Kad je u pitanju rad samih organizacija ovo što je Bešić trenutno govorio ono što oni ili neće ili ne žele da shvate, znači sva prava koja trenutno koriste svi pripadnici svih kategorija su prava koja smo mi ostvarili, ne vi, vi trenutno vašim boravkom na ulicama niste dobili ništa. Ja sam jedan od tvoraca Zakona o dopunskim pravima ZDK. Sve Uredbe po kojima koristite prava i ti i svi ostali pisao sam zajedno u vrijeme gospodina Nalića. Zakon smo pravili u vrijeme ministra, zaboravio sam mu i ime, davno je to bilo. Ne možete vi samo tako govoriti ne radimo mi ništa. Kad je u pitanju izlazak na ulicu. Razlika Bešiću kad vi izađete na ulicu kao pojedinci i kad izađem ja kao organizacija, ja sam pravno lice koje odgovara za sve što će se desiti na ulici. Imamo liniju, ono što je objasnila Fatima strukturu organizovanja od dna do vrha. Ja ne mogu izaći da ne dobijem naredbu linijski, sve drugo o čemu vi zalazite u diskusiju. Kad je u pitanju i samo finansiranje gospodin Fermić je rekao da to budu projekti. Nije to sporno, vi samo morate znati jednu stvar kad govorite općenito da ne budu udruženja da se ja ne vadim na njih, mi smo jedino udruženje koje ne uzima članarinu. Jedino finansiranje koje mi imamo je finansiranje od Općine Maglaj. Po prvi put sam ja na finansiranju iz svog udruženja. Slobodno pogledajte sve finansijske izvještaje imate unazad godinama u Općinama. Pogledajte ima li gdje moje naknade. Ovo je prva godina u kojoj ja imam 300,00 KM naknade i odmah vam je zapala u oči. To ste prvo primjetili, sve one godine unazad niste primjetili. Iza ove govornice ste govorili kako mi ne znamo sa parama, kako mi pare trošimo. Slobodno, imate Službu, sve ovakve izvještaje imate sve godine unazad i oni su otprilike dolazili ovako i na ovo Vijeće.

Vijećnik Fikret Delić, replika – gospodin Hajdić kaže da nismo ništa uradili gore kad smo išli na proteste. Jesmo pod pritiskom. Ministar je borcima koji nemaju ništa, ja nisam korisnik, ali mi je drago da su ljudi dobili po 400,00 KM gospodine Hajdiću. Ne bi vi imali ni tih 300,00 KM, nego bi sve borcima otišlo, te pare što vi dobijate, to bi sve otišlo borcima. Niste dobili ništa, mene bi bilo stid da imam firmu i da dobijem tih 300,00 KM iz Budžeta. Pričaj o svojim kreditima bespovratnim kako si dobijao, ima li gdje boraca. Niste, ništa vi ne dobijate. Sve si iskoristio i dalje muzeš i ovu Općinu i državu i federaciju. I dalje si na budžetu, a sve si dobio od države od ministarstva od kantona, šta je dobio borac kojeg ti predstavljaš. Nađi moje papire gospodine Hajdiću i vidi da li sam dobio i marku.

Vijećnik Hajrudin Fermić, replika – ja želim opet da ponovim jednu činjenicu volio bih da danas razgovaramo o tome zašto su i CŽR i njihovo udruženje i Udruženje logoraša počeli pisati nekakvu monografiju i vjerovatno su pri kraju, a nikako da završe 25 godina sa bilo kakvim pisanim aktom koji se tiče rata itd. Ljudi očigledno nešto pokušavaju da rade, nikako da završe projekat. Vidio sam tamo i jedno i drugo. S druge strane, ja gospodine Hajdiću sjećam se vrlo dobro tamo 2010., 2011. godine kada je JOB organizacija i pokušavala da pomogne nekim ljudima demobilisanim borcima da dobiju neka sredstva za zapošljavanje, samozapošljavanje, ali ja to ne vidim sad u ovim izvještajima. Ja govorim o JOB-u i ja sam volio da o tome danas razgovaramo i raspravljamo o tim praktičnim rješenjima i koristima. Volio sam ja da čujem danas i od gospodina Gorčinovića, zašto je to 4.500 KM za SUBNOR, zbog čega je to manje bitno udruženje u odnosu na ova udruženja, ne podcjenjujući ni jedno itd. Volio bih da pričamo o vašim poslovima i aktivnostima, zbog čega zapravo i treba da imate daj opšti interes ovdje. Ovako kad se pročita i vidi ta sredstva koja vi dobijate, zaista svakom laiku se nametne pitanje vidi postoje radi sebe. Ja pretpostavljam da nije tako, ali treba ljudima objasniti.

Konstatuje se da su sjednicu napustili u 16,20 sati vijećnici Bešić Mustafa, Hrnjić Armin i Buljubašić Mustafa, tako da OV radi sa 19 vijećnika.

Hajdić Vahdet, replika – samo kratko kao što rekoše muzem državu. Za informaciju gospodine Deliću na Birou. Oduvijek sam na Birou, nisam još nikad sebi uplatio ni dana staža. Kad je u pitanju stambeno rješavanje riješene su stotine ljudi, pa među njima i ja. Za informaciju koju ne znaš nisam koristio sredstva Kantona, nisam umanjio sa Općine Maglaj sa fonda koji mu je pripadao, to ne znaš. Svoje stambeno pitanje sam rješavao sa federalnog nivoa nisam doticao Kanton, nisam htio da umanjim sredstvima tim ljudima za koje ti misliš da ja ne radim. Kad je u pitanju gospodine Fermiću zapošljavanje, mi preko Kantonalnog ministarstva imamo projekat, on je tri godine zapošljavanje i samozapošljavanje i imamo podsticaj dodali smo još jednu kategoriju da to ne širim. U protekle dvije godine imamo 30 registrovanih pravnih lica, a 99% su demobilisani borci. Sve i jedno lice koje danas ima firmu sam ja u svojoj kancelariji ubijedio da pristupe tom projektu. Imamo 10 ili 12 ljudi koje sam nagovorio preko firme da uzmu podsticaj da idu raditi. Imamo negdje blizu 20-tak koji su uzeli podsticaj bave se poljoprivredom u nekih je to već i propalo šta ja znam. Ali ne možemo mi uraditi ono što bi neki htjeli. Mi se uklapamo u ono što se nama pruža. Naše je samo da nađemo ljude koji hoće raditi.

Radovan Gorčinović, u ime udruženja antifašista i boraca narodnooslobodilačkog rata 41-45, prvi put prisustvujem ovakvom sastanku i ovakvoj diskusiji. Vrlo je teško uhvatiti te konce kad gospođa kaže da treba

odvojiti borbe iz 92-95. od svih ovih ostalih ranije. Mislim da je to jedna velika greška. Svi ljudi čak Udruženje antifašista i boraca narodnooslobodilačkog rata su čak bili učesnici i ovoga rata 92-95. I ja sam bio učesnik. Nisam bio borac, nisam bio na linijama, ali sam bio zajedno sa njima. To sada nema nikakve veze, ali dijeliti i zaboraviti ono sve što je bilo prije, hajmo zaboraviti ono što nije valjalo od prije, valjda ima nešto što je bilo dobro i što treba pamtiti, raditi i čuvati tekovine rata 92-95.

Pitanje je koliko i vi gospodo vodite računa o tim tekovinama rata 92-95. Ja sam bio lično tamo u onoj kući i bilo me je sramota ljudi sa kojima sam bio iz Zavoda za zaštitu kulturno historijskih spomenika. Totalno neuređeno, krpe, četke i sve ostalo stoje u onoj sobi. To treba da vodi računa Udruženje boraca. Udruženje antifašista i boraca narodnooslobodilačkog rata. Jednim manjim dijelom se finansira iz Budžeta, najvećim dijelom se finansira iz članarine, iz drugih donacija, ljudi koji nam pomažu da ostvarimo svoje planove. Prije svega antifašizam, 99,9% sam siguran da članovi Udruženja JOB-a i članovi udruženja svih boračkih organizacija, Udruženja šehida da je i njeguju antifašizam u svojoj duši. Koliko to pokazuju, to je druga stvar. Mi u Udruženju antifašista i boraca NOR-a želimo i radimo na tome da se probudi svijest kod ljudi, kod građana da moraju učestvovati u stvaranju države. Ako očekujemo da neko drugi nama napravi državu i da je uredi onda ćemo je dugo čekati. Znači nema tu odvajati Udruženje šehida, Udruženje boraca 92-95 od onih 41-45. Mi još uvijek imam, hvala dragom Bogu živih ljudi koji imaju preko 90 godina i više nisu aktivni, ali su živi i ne treba ih zaboraviti. Ne treba zaboraviti spomenike i obilježja iz NOR-a i revolucije 41-45. To sam 99% siguran da najveći broj boraca iz 92-95 ne zaboravlja i podržavamo. Mi smo u proteklih 4-5 godina predlagali Službi za BiZ da se naprave kriteriji za dodjelu sredstava, pa ta sredstva po tim kriterijima ako dobijemo manje, dobit ćemo manje, ako dobijemo više, dobit ćemo više. Sredstva, ako je to 25.000 KM, hajmo ih podijeliti po nekim kriterijima i neka ih dobije ko treba da dobije. Taj naš prijedlog i naša inicijativa nikada nije izašla na vidjelo. Ja sam još htio da kažem da složna braća kuću grade. Nema potrebe se razdvajati, pokušajmo se spustiti i svi zajedno raditi za dobrobit ove države. Onog trenutka kada budemo imali uređenu našu državu koju volimo, tog trenutka će nam biti i dobro.

Dopredsjedavajući, zaključujem raspravu i mislim da i ovaj prijedlog zaključka kojeg sam predložio ide nekako na puno ovoga što je i Radovan predložio, sad malo prije za ubuduće.

Predlažem da se pod a)

- **Informacija o radu boračkih organizacija za 2017. godinu i Plan rada za 2018. godinu, prima se k znanju.**

Pod b) Usvaja se izvještaj o utrošku finansijskih sredstava dobijenih iz Budžeta Općine Maglaj za prvih 6 mjeseci 2018. godine uz zaključak:

Da se prilikom izrade Budžeta za 2019. godinu općinski načelnik i nadležne službe iznađu način da se projektno finansiraju boračka udruženja u toj godini.

Prije izjašnjavanja pauza za Klub SDP-a.

Poslije pauze nije bilo dopune, ponavljam ovaj dio zaključka primamo informaciju k znanju.

Usvajamo Izvještaj o utrošku finansijskih sredstava dobijenih iz Budžeta Općine Maglaj za prvih 6 mjeseci 2018.godine, uz zaključak:

Da Načelnik općine Maglaj prilikom izrade Budžeta za 2019.godinu nađe formulu, način kako da se boračka udruženja u toj godini finansiraju na osnovu projekata.

Vijećnik Safet Jašić, što se tiče Kluba SDA, mi nismo baš za ovaj zaključak posljednji koji ste rekli iz slijedećih razloga:

Klub SDA će podržati ovaj dio s tim da ono finansiranje koje se donese u Budžetu za 2019.godinu odnosno redovno finansiranje boračkih udruženja da se ne dira. Projektno finansiranje, nek se finansira kako koje udruženje dostavlja svoje projekte, nek se finansira onoliko koliko dostavlja projektну dokumentaciju, ali redovno finansiranje da se ne dira. Odnosno, kako se bude usvojilo u Budžetu za 2019.godinu. I mi ovo prihvatamo, u suprotnom mi tražimo pauzu za usaglašavanje u Klubu. Ovo sam ja lično iznio i ne bi volio da vijećnici budu još bolje upoznati.

Dopredsjedavajući OV, hajde da glasamo posebno za izvještaj to je formalnost i nije sporno ni u jednom klubu, a onda da dajemo na glasanje ponovo ovaj zaključak pa koji dobije većinu.

Pauza za Klub SDA-a.

Vijećnik Safet Jašić, Klub vijećnika SDA se odlučio za slijedeće, podržavamo i prihvatamo finansijski izvještaj svih udruženja, bez ovog zaključka koje ste vi gospodine dopredsjedavajući naveli. Ako ne prihvatate to ako vi ne odustanete od ovog zaključka, mi ćemo napustiti sjednicu.

Dopredsjedavajući, dajem na glasanje prijedlog zaključka:

Da se usvaja Izvještaj o finansijskom utrošku sredstava za 2018. godinu sa prijedlogom zaključka koji sam iznio da Načelnik za 2019.godinu prilikom izrade Budžeta vodi računa o projektnom finansiranju.

Konstatuje se da su sjednicu napustili vijećnici SDA.

Općinski načelnik, dok ste imali pauzu ja sam rekao prisutnim iz udruženja, kako god glasao blok ili ovaj ili onaj ili svi zajedno sasvim je svejedno idući prijedlog Budžeta neće biti sastavljen ovako kako je bio do sad. To je dogovor sa UNDP-i koji ćemo mi ispoštovati. Pare će biti podijeljene na osnovu projekata. Vi ko god htio htjeli, ne htjeli, pare će biti na osnovu projekata, na osnovu standarda evropskih, na osnovu onoga što dogovaramo sa naprednim dijelom svijeta sa EU, sa UNDP-i itd. Što god htjeli kako god napustili neće u prijedlogu više doći sigurno za bilo koje udruženje da je toliko novca. Ići će suma novca za udruženja, pa izvolite gospodo radite projekte tražite novac i pravdajte novac. To će tako biti, Vijeće ne mora usvojiti taj Budžet i neće biti prvi načelnik koji će donijeti Budžet.

Dopredsjedavajući, ovo je neobavezan dio pa možete reći ko šta ima.

Vijećnica Svjetlana Zamboni, predstavnici Udruženja su napustili sjednicu, o njima raspravljamo već puna dva sata. Otišli su sa sjednice. Predstavnici Kluba SDA koji je preostao na sjednici napustio je iz čiste kalkulacije. Mislim da to nije ni fer ni korektno prema našim građanima, a ni prema članovima udruženja ovih o kojima smo danas raspravljali. Hoću da kažem da je predstavnik antifašista gospodin Radovan Gorčinović jedini prisutni predstavnik udruženja u ovoj Sali u momentu donošenja odluke o udruženju, odnosno usvajanja finansijskog izvještaja o utrošku sredstava iz Budžeta.

Dopredsjedavajući, ja imam prijedlog i sugestiju od Pravobraniteljice da mi nastavimo i sa ovom tačkom dnevnog reda. Nazvat ćemo ova dva vijećnika da dođu, jer nemamo kvoruma.

Tehnička pauza da čujemo i ovu informaciju i da završimo.

Dopredsjedavajući, u trenutku napuštanja Kluba SDA sa 20. Sjednice OV tražio sam tehničku pauzu, kako bi utvrdio, prvo da li nam je bilo relevantno glasanje i drugo da li imamo uslov za nastavak rada. Dok je trajala pauza pridružila su nam se dva vijećnika koja su napustila privremeno sjednicu Općinskog vijeća, vijećnici Armin Hrnjić i Mustafa Bešić.

Konstatuje se da su na sjednicu ponovo pristupili vijećnici Hrnjić Armin i Mustafa Bešić, tako da Općinsko vijeće ima 13 vijećnika što čini kvorum, tako da OV nastavlja sa radom u 17,20 sati.

Zahvaljujem se svima koji su prisutni tu i nakon ove pauze.

Dopredsjedavajući, mi trebamo precizno i definitivno da utvrdimo zaključak o prihvatanju izvještaja o utrošku finansijskih sredstava za prvih 6 mjeseci sa prijedlogom zaključka, dajem na glasanje

Z A K L J U Č A K

15.1. Usvaja se Izvještaj o utrošku finansijskih sredstava dobivenih iz Budžeta Općine Maglaj za prvih 6 mjeseci 2018. godine.

15.2. Zadužuje se Općinski načelnik da prilikom izrade općinskog Budžeta za 2019. godinu iznađe način da se sva udruženja finansiraju na osnovu dostavljenih projekata.

Usvojeno jednoglasno sa 13 glasova za.

AD - 16 Informacija o preduzetim pravnim koracima od strane Općinske pravobraniteljice i administracije vezano za predmet „Transey“;

Općinska pravobraniteljica Nermina Botonjić, na ovu informaciju koja je dostavljena u ranijem periodu, imam da dodam da je 30.07.2018.godine prispjela obavijest Kantonalnog upravnog inspektora, gdje se on oglašava ne nadležnim za postupanje u ovakvim slučajevima i u toj obavijesti on navodi da se radi o postupcima koji su već okončani kod nadležnog Suda, odnosno kod Organa uprave. Sve drugo je ostalo nepromijenjeno ovako kako jest u Informaciji i Općinsko pravobranilaštvo čeka sad eventualno postupanje nadležnog Ministarstva vezano za dostavu akta i svakako očekujemo povratak sa godišnjeg odmora ljudi iz udruženja ARKOSCENAR u BiH koje smo takođe zamolili za pomoć, a svakako na sugestiju ministrice Džapo. Trenutno je takvo stanje i nemam ništa više dodati.

Otvaram raspravu

Vijećnik Hajrudin Fermić, ja pružam podršku i Pravobraniteljici i administraciji u svim ovim i mislim da dijelim mišljenje s vama svima u svim aktivnostima koje se preduzeli, preduzimate i preduzet ćete. Možda bih samo savjetovao da pored ovog postupka koji ide samo blagovremeno obavijestite administraciju ili OV kroz potrebu intervencije u bilo kom postupku kao da ide redovan postupak, kao da nema ovih problema u ovim daljnjim fazama i početka rada. Ja mislim da postoji još nekih načina i ako bi dobili ta odobrenja i rješenja možda mi još imamo pravnih načina da to onemogućimo. Ja spominjem Zakon o stvarnim pravima koji kaže ne može se ništa uraditi ako se susjedu zagađuje okolina. Šta to znači i na koji način može da reaguje neko u administraciji ili mi kroz Vijeće da nam sugerišete blagovremeno ako ima bilo kakav način.

Općinski načelnik, mi nismo zaustavili ovaj proces i dalje ćemo tražiti način da zaštitimo grad i grad ćemo zaštititi. Ukoliko ne mognemo na ovaj način, ima drugih načina. Da ne pominjem primjer zabrane transporta

kamiona u toj zoni pa neka rade, ali zagađivač novi u gradu, dok sam ja ovdje ću se boriti da ne bude, pogotovo neko ko radi sve mimo građana Maglaja, sve uz nos građanima Maglaja, počevši od investitora do ministra, koji je odradio i dao dozvolu za građenje. Ministra koji je optužio svog saradnika da je vjerovatno uzео novac i koji je nakon mjesec ili dva potpisao građevinsku. Način ćemo naći, ali novo zagađenje neće biti zbog građana općine Maglaja.

Dopredsjedavajući, zaključujem raspravu i predlažem da:

- **Informacija o preduzetim pravnim koracima od strane Općinske pravobraniteljice i administracije vezano za predmet „Transey“, prima se k znanju.**

Brifing Općinskog načelnika- nećemo imati.

VIJEĆNIČKA PITANJA I INICIJATIVE

Vijećnik Firuz Galijašević, moja inicijativa je pokrenuta prije dvije sjednice na 18. Sjednici OV 07.06. 2018.godine i upućena je KJD , gdje sam molio da nam KJD postavi dvije-tri klupe. Moram da se zahvalim KJD i posebno direktoru Mehmedu Bradariću, zato što je stvarno brzo uradio. Postavljena je jedna klupa kod Doma, a druga u Husanovićima.

Vijećnik Fikret Delić, zamoljen sam od mještana MZ Čobe, da zamolim Načelnika, radi se o jednom putu od centra sela Čobe prema mezaretlju. Radi se o dionici od 100 metara puta, da se taj put naspe. Bio bih zahvalan da se nešto uradi na tom putu.

Vijećnica Irena Herceg, inicijativa se odnosi na sanaciju rupa u ulici Bosanskoj. Nekako se ta ulica uvijek zaobiđe, kad se vršila sanacija rupa po gradu ostale su te rupe ne sanirane, a vremenom se šire i predstavljaju problem. Posebno na dijelu gdje se skreće prema Policijskoj stanici. Molim da se to sanira.

Vijećnik Mirza Bradarić, imam dvije inicijative :

Prvu inicijativu sam nekoliko puta pokušavao inicirati, tiče se Starog dijela grada. Danas smo imali priliku da Čabrina kafana dobije i posebno priznanje, prihvatili smo i prijedlog da se nađu sredstva i za novčanu nagradu koja će ići Čabrinoj kafani. Pričali smo danas i o malom obrtu ponovo vezano za Stari grad i Čaršiju.

Ja sam svjedok da smo u prethodna 2-3 mjeseca vidjeli i autobuse parkirane u Staroj čaršiji, turisti dolaze i idu prema Starom gradu, pa se sve ponovo veže za plato kod fontane. Vezano za one kocke. Već nekoliko mjeseci govorimo o tome i ovom prilikom ponovo molim Načelnika da u što kraćem roku pokuša naći ili putem nekog projekta ili putem sredstava iz Budžeta da konačno krenemo sa sanacijom tih famoznih kocki, tj. Pristupa i puta prema Starom gradu, a svi znamo u kakvom je stanju to i da svi to priželjkujemo. Barem ove godine da se krene u realizaciju sanacije tog platoa u Starom dijelu grada, kad su one kocke u pitanju.

Druga inicijativa veže se za infrastrukturu u mjesnim zajednicama. Nažalost u ove dvije godine koliko jesmo u mandatu, jako slabo smo spominjali Gračin brijeg i Straište. Vi znate kad smo prošle godine spajali onaj plan sanacije i rekonstrukcije puteva da je u tom planu bio i put prema Gračinom brijegu, pa ovom prilikom molim Načelnika da pokuša ne nekom narednom periodu, barem do kraja radne sezone da pokušamo pristupiti sanaciji i asfaltiranju tog puta prema Gračinom brijegu i sanaciji najugroženijeg, dijelova puta prema Straištu. Puno je ljudi gore, ponovo molim Načelniku da pokušamo pristupiti i toj problematici.

Vijećnica Svjetlana Zamboni, inicijativa koja je došla od građana MZ Jablanica i koja će biti upućena ka policijskoj stanici Maglaj.

Mještani Jablanice traže da se uvede redovna policijska kontrola u tom naseljenom mjestu. U večernjim satima i tokom noći pojačan je saobraćaj sa ne registrovanim i neispravnim putničkim vozilima koja voze velikom brzinom. Vozila nemaju niti oba fara tako da je vrlo teško razaznati da li se radi o motorima ili automobilima u velikom broju slučajeva. Koncentracija saobraćaja je velika u oba pravca i prema Donjem Rakovcu i prema Gornjem Rakovcu. Građani se ne osjećaju bezbjedno izaći na cestu u večernjim satima, put je i tako preuzak, oronuo i propao. Iz tog razloga molimo da se bar uvede redovna policijska kontrola koja će biti prisutna na tom dijelu naše općine. U potpisu su mještani Mjesne zajednice Jablanica.

Vijećnik Hajrudin Ferić,

Volio bih, ako može da dobijem odmah odgovor na moje vijećničko pitanje.

Tamo negdje sredinom juna mjeseca, čini mi se Načelnice da ste bili na službenom putu. Posjetila je općinu Maglaj jedna delegacija firme ARGOA ako se ne varam. Pošto je to izuzetno malo informacija procurilo u javnost, a čini mi se da se radi o jednom dobrom projektu volio bih , zbog javnosti ako je nešto dobro da nam to kažete odmah, a ako nije možete odgovoriti za slijedeću sjednicu. Radi se o jednoj fabrici proizvodnoj.

Općinski načelnik, dao odgovore na postavljena pitanja:

Irena Herceg, u Bosanskoj ulici ima problem sa prkupljanjem oborinske vode i bude jezero kad je malo jača kiša. Što se tiče ovih oštećenja to ćemo sanirati vrlo brzo, a na neki način ćemo pokušati riješiti i odvodnju te vode. Ima još pojedinih lokacija u dijelovima grada koje treba sanirati, tako da ćemo to u jednom krugu završiti.

Fikret Delić, pomenuli ste Čobe i taj put. Služba će izaći snimiti i možemo to završiti nije sporno i završit ćemo još neke projekte u Kopicama, odakle vi dolazite, tako da ćemo to realizovati u narednih mjesec i po do dva. Vijećnik Firuz se zahvalio KJD.

Mirza Bradarić:

Provjeravali smo stanje onih kocki da pokušamo da popunimo one rupe koje su ostale. To više nije nikakvo rješenje, svaka kocka koju počnete vaditi ona puca. Raspisat ćemo javni poziv za idejno rješenje uređenja Trg u Starom gradu. Na osnovu idejnog rješenja koje bude odabrano ćemo odraditi i projektu dokumentaciju i pokušati da iduće godine to odradimo kako treba, a do tad ćemo vidjeti na koji način to sanirati i zakrpati da nije onakvo stanje kakvo jeste.

Kad su u pitanju javni pozivi, imam još jedan plan koji ću ponuditi Vijeću. Vi svi znate da je po Regulacionom planu kod Sportske dvorane, između Sportske dvorane i velike kuće planiran bazen za kupanje. Investitora za bazen nema, nema onog ko će platiti skupo zemljište za bazen kad se može praviti u predgrađu gdje je puno jeftinije zemljište. Vjerovatno ćemo u skorije vrijeme raspisati javni poziv za jedno idejno rješenje gradskog parka i onda bi išli u promjenu Regulacionog plana, naravno ako se Vijeće s tim složi, tako da idemo korak, po korak da napravimo jedan lijep gradski park i za starije osobe i za dječicu itd. To će doći na red.

Što se tiče pitanje za Gračin brijeg, Ulišnjak-Straište. Za Gračin brijeg smo obezbijedili 60.000 KM za sanaciju putne infrastrukture i onog dijela gdje je klizište, da li će to biti zv. „Šljivina voda“, ne znam tačno gdje je to, znam lokaciju i tačno gdje je Šljivina voda, a tačnu lokaciju vidjet ćemo prema projektnoj dokumentaciji i uglavnom će uskoro biti raspisan tender za tu dionicu. Pored toga na pragu smo da dobijemo još jedan projekat s UNDP-i gdje bi mi sufinansirali s njima zajedno. Od njih bi dobili 30.000 KM i mi odvojili jedan dio za sufinansiranje projekta u toj zoni i zaista najveća dionica za Gračin brijeg koja je bez asfalta, bez kanala bez godišnjeg održavanja. Što se tiče dijela prema Straištu, razgovarao sam sa predstavnicima iz Straišta. Odabrana je lokacija gdje se formira jezero kad kiše padaju da se odradi taj dio, da se napravi odvodnja, ugovor je potpisan, tako da će i to uskoro ići u realizaciju. Naravno novca nema da se sve završi za godinu, ni za mandat, ali ćemo pokušati da što više uradimo na terenu, pogotovo što ima ovih krajeva gdje lijepo pali ova priča sufinansiranja marku na marku i uglavnom se na taj način puno više završi, nego da se radi samo iz Budžeta. To ćemo vidjeti koliko ćemo stići do kraja godine. Danas sam isto tako rekao da imamo 15 lotova za potpisane ugovore i za sanacije, ima tu poslova i dijela Bijele Ploče, Jablanice, Kopicice, Straište, Gračin brig, mislim da će biti dio još u Misurićima, u Moševcu i Ravnoj se radi, Bistrica se radi ima tih aktivnosti na više strana.

Inicijativa za kontrolu saobraćaja u Jablanici, ja sam malo prije prošao i pokraj mene je prošla kamikaza sa nekim mercedesom, prosljedit ćemo takvu kakva jeste prema Policijskoj stanici Maglaj.

Ova firma da ne kažemo o kome se radi, ni o čemu se radi, da su početni razgovori samo u pitanju. I sutra bi isto tako trebala da bude jedna njemačka firma sa predstavnicima ovdje da vide oko mogućnosti investiranja i otvaranja proizvodnje. Kad bude nešto opipljivije onda ćemo to i iznijeti.

20. sjednica Općinskog vijeća završena u 17,44 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

